



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>





600025361N

Q.67. K. 21.



E. BIBL. RADCL.


17  
18  
~~648~~

C

166962

d .

18











HENRICI CAROLI VAN DER BOON MESCH,

DELPHENSIS,

MEDICINAE ET MATHESEOS AC PHILOSOPHIAE NATURALIS  
IN ACADEMIA LUGDUNO-BATAVA CANDIDATI,

COMMENTATIO

DE

*VI LUCIS AD CREANDA PRINCIPIA VEGETABILIIUM  
PROXIMA;*

IN CERTAMINE LITERARIO

CIVIUM

ACADEMIARUM BELGICARUM,

*Die VIII. Mensis Februarii A. MDCCCXVIII,*

EX SENTENTIA

ORDINIS DISCIPLINARUM MATHEMATICARUM ET PHYSICARUM  
ACADEMIAE LUGDUNO-BATAVAE,

PRAEMIO ORNATA.

---

LUGDUNI BATAVORUM,

APUD S. ET J. LUCHTMANS,

ACADEMIAE TYPOGRAPHOS,

MDCCCXIX.





# COMMENTATIO CHEMICA

DE

## QUID LUX VALEAT AD CREANDA NONNULLA SAL- TEM PRINCIPIA VEGETABILUM PROXIMA?

### EXORDIUM.

Quo pluribus partibus aut principiis quaedam materies sit composita, quove dispersa latius et uberius per vastum Naturae ordinem, eo aptiorem esse eandem, tum ad plures et graviores vires in quasvis res exercendas, tum ad majores magisque momentosas utilitates oeconomiae Naturae afferendas, et confirmat usus, et agendi ratio, a Naturae Auctore rebus naturalibus indita, declarat. Haec consideranti non mirum videbitur, quid lux vegetabilibus praestet, dignum aestimari quod indagetur: stant enim ab altera parte vegetabilia, in quibus dubius haereat utrum magis admiretur, aut subtilissimam mille vasorum compositionem, aut innumeram et specierum et organorum diversitatem, an vero efficacissimas vires, et constantes nascendi, increscendi, moriendi vires; ab altera parte haud ignorat lucem, memorabilem cum subtilissima molecularum tenuitate, qua cohaeret, tum inaudita celeritate, qua a corpore in corpus incidit, non tantum ubivis in Tellure dispergi, verum ab immensis stellis fixis emitti, ab altera coelesti mole ad alteram demitti constanter, constanter absorbi, res ingredi, mutatis harum conditionibus reddi, ut luce deficiente vix dubitet, quin universi sustentatio deficiat, mox corruat. Quodsi levis et vegetabilium et lucis consideratio jam quaeque in summam rapiat admirationem, in quanto majorem eundem rapere intelligas concursum lucis et vegetabilium, horumque mutuam in se invicem agendi rationem; unde nihil minus, quam

summam Naturae efficaciam et divinam majestatem in splendidissima luce collocatas expectat. Motus hac cogitatione et ego ausus sum exiguum sane tanti examinis periculum facere; in quo faciundo et mihi vires defuisse, et me discendi voluntatem aliquantum erexisse, lubens confiteor. Ipsam autem examen in tres partes divisi.

I. Quomodo lux videatur agere in vegetabilia, et quomodo dici possit valere ad creanda principia vegetabilium proxima. II. Quodnam discrimen intercedat inter principia vegetabilium, proxima regionum, quae majores minoresve lucis vires experiantur. III. Quodnam discrimen intercedat inter principia vegetabilium proxima, quae gignuntur in umbra et tenebris.

## CAPUT PRIMUM.

### QUOMODO LUX VIDEATUR AGERE IN VEGETABILIA, ET QUOMODO DICI POSSIT VALERE AD CREANDA PRINCIPIA VEGETABILIIUM PROXIMA.

#### §. I.

**M**omentum et dignitatem lucis omni aevo, ex quo disciplina Physica diligentius colā coepit, apud quosvis Physicorum optimos tantum valuisse legimus, ut horum omnem animi attentionem ac diligentiam ea assecuta fuerit: ingenii enim et judicii sagacitatem, hac autem mirifice excellebant, omnem suam excusserunt *Hugenius*, *Eulerus*, *Newtonus*, ut cognitae et perspectae haberent lucis originem et proprietates: *Hugenius* vero et *Eulerus* cum imprimis eo niterentur, ut perspicerent atque calculo mathematico demonstrarent ita dictas lucis physicas proprietates, ulterius progressus fuit *Newtonus*; intimam enim colere affinitatem invicem et lucem et corpora terrestria suspicatus, eo quoque direxit sua experimenta, ut perciperet mutuum in se invicem ambarum rerum agendi.

rationem (1). Cujus rei praeclara ab eo facta pericula si diligentius considerassent, atque in suum usum conversa ulterius illustrassent ejus temporis Physici, non dubitandum est, quin hi ipsi, ut adamantis et aquae, ita plurium corporum, chemicam indolem jam melius cognovissent. Aliquot interim observationes et experimenta probare videbantur, lucem non esse simplicem; sed ex heterogeneis principiis compositam; nec deerant Physici, qui lucis commercium cum corporibus terrestribus perscrutarentur: inter quos eminet *Beccaria* (2) qui probabat corpora esse, quae lucem omnem absorberent, atque hanc deinde meram emitterent, atque lucem habere facultatem texturam rerum immutandi.

Chemica vero disciplina emendata atque illustrata, ut plurium materierum, ita caloricæ et lucis, natura et vires diligentius coeperunt indagari atque felicius exponi: hanc rem gravissimam elaborandam susceperunt Illustres Physici, *Scheelejus* (3), *Pictetus* (4), *Rumfordius* (5), *Senebierius* (6), *Grænnius* (7), *Lelièvre* (8), *La Place*, *Lavoisierius* (9) aliique; *Scheelejus* vero et *Senebierius* (10) egregiis docuerunt experimentis, lucem esse compositam variis radiis, quorum alii coloriferi, alii vero caloriferi, eamque magnopere mutare corporum indolem, praeprimis ab oxydis metallicis attrahere oxygenium, prae caeteris id facere radium violaceum. Quum vero saepe eosdem effectus ederet lux, quos caloricum, nonnulli Physici putarunt, lucem nihil aliud esse, quam aliquam caloricæ modificationem (11); alii contra, dum lucem habebant peculiarem materiam,

(1) *Newton. Opusc.* p. 270 seqq. Digna sunt *Aristotelis* verba, quae memorentur: "Ἐκκέναντες δὲ τοῦτο· ἵνα γὰρ οὐκ ἔστιν αὐτὸ, ἀλλὰ πρὸς αὐτὸ τὸ φῶς, καὶ αὐτὸ κατέσται· εἰ μὴ ἔσται τὸ μὲν τοῦ πρὸς χεῖμα φῶς ἔστι, εἰ μὴ τοῦ αὐτοῦ τὸ φῶς πρὸς ἔσται χεῖμα μόνον. vid. *Aristotel. Opera omnia*, Du Val. sup. χαρμῆται, p. 1220.

(2) *Comment. Bononiens.* Tom. 4. p. 74. Lucem nonnulla corpora absorbere praeterea probavit *Canton* (vid. *Thomson, Systeme de Chimie*, pag. 24 seqq. tom. H.) *Hulme* (*Journ. de Phys.* 1800. p. 161.) *Margraff*. (*Mém. de Berlin*, Ao. 1749. p. 56 seq. et 1750 seqq.) Videantur porro *Introductio ad Philos. Nat. auct. Muschenbroek*, Tom. II. p. 692 seq. *Mém. de Paris*, Ao. 1707. p. 1 seq. Ao. 1735. p. 347. *Act. Acad. Nat. Curios.*, Vol. 5. p. 438. *Mém. de Berlin*, Ao. 1783. p. 98 seq.

(3) *Sur le feu, aut Chemische abhandlung von Luft und Feuer*, 1777.

(4) *M. A. Pictet Versuche über das Feuer, aus dem Franz.*

(5) *Thomson*, tom. II. p. 53 seqq. ubi citatur *Journ. de Nicholson*, IX. 60.

(6) *Mém. Phys.-Chim.*, Tom. II. p. 55—74. p. 95—215. *Phys. Veget.* Tom. III. p. 172.

(7) *Systemat. Handbuch der Gesammten Chemie von F. A. C. Grænn*, Erster Theil, selte 133 seqq.

(8) *Recherches sur la nature de la chaleur.*

(9) *Lavoisier, Traité de Chimie*, Tom. I. p. 1 seqq. et Tom. II. p. 387 seq.

(10) *LL. CC.*

(11) *Girtanner, Anfangsgründe der Antiphlogistischen Chemie*, 1795. sect. 14.

diem, caloricum solummodo tamquam qualitatem agnoverunt (qualität); alii aliter (12). Ingeniosam vero, sicut solebat, de lucis natura et agendi ratione sententiam protulit *Grennius*; nimirum arbitrabatur lucem radiantem componi duplici materia, cujus altera caloricum erat, altera materies lucis, principium inflammabile combustibile; hanc vero materiem lucis vel principium combustibile elasticitate carere per se, eam vero et virtutem radiantem accipere ab accedente calórico; porro ex varia utriusque materiae proportionem varietatem lucis coloratae, et diversam refractionem, proficisci; corpora terrestria duce affinitate vel omnem radiantem attrahere lucem, eamque fixam reddere, vel basin lucis, sive principium combustibile unum, adsciscere, relictum vero caloricum non liberum apparere, partim quod adeo tenue sit fluidum, partim quod aliis causis latens fiat, corpora denique inflammabilia, dum comburuntur, emittere basin lucis; deinde suspicabatur fluidum electricum quoque illam basin lucis continere (13).

Inceptos interim a *Scheele* et *Senebier* labores repetendos sumpserunt, plurimisque auxerunt egregiis observationibus atque momentosis inventionibus eximii. Physici, *Bertholletus* (14), *Herschellus*, *Englefeldius*, *Wollastonus*, *Bockmannus*, *Ritterus* (15); *Hermstaedius* (16); demonstrarunt autem crebro repetitis experimentis, lucem componi triplici radiorum genere, quorum alii habebantur caloriferi, alii coloriferi, tertii desoxygenantes, vel magis generali nomine chemici; quo magis refrangibiles sint radii colorantes, eo minus calorigi vehere, ita R: violaceum omnium minime calere, omnium maxime rubrum; facultatem calefaciendi esse in hac ratione: Violaceum Radium = 16.

Viridem = 22. 4.

Rubrum = 55.

hanc autem facultatem radiis colorantibus praebere radios caloriferos; existere enim radios colorantes puros; quales constabat esse Lunares, tandem tertios radios colorantibus multo magis refrangibiles esse, eosque oxygenium oxydis metallicis abripere, muri-

(12) Schelling, *Ideen zu einer Philosophie der Natur*, 1797. seit. 196. f. *Meteorologisches Jahrbuch von C. C. Haberk*, Erster Jahrgang, 1810. p. 295. § 156.

(13) *Systematisches Handbuch der Gesammten Chemie von F. A. C. Grenu*, Erster Theil seit. 153. ad 158. § 225 seq. *Haberk*, l. l. p. 285 seq. § 149. et § 150.

(14) *Journal de Physique*, XIX. 81. et LVI. 80.

(15) *Thoms. Syst. de Chimie*, tom. II. p. 13—25. et 32—40. *Elem. de Philos. Chmiqu.*, par H. Davy, L. pag. 311—343 praepriis 319 et 333—36. *Traité de Physiq. experiment. et Mathematiq.*, Tom. IV. p. 600—617.

(16) *Recherches sur la maniere, dont les corps naturels ont leurs couleurs. Essai d'une nouvelle explication de ce phénomène*, par S. T. Hermstaedt. *Mem. de l'Acad. Royale de Berlin*, 1801. p. 27 seqq.

riatem argenti celerius atro colore tingere, quam id facere radium violaceum, eosque sive chemicos, sive desoxygenantes, dixeris, esse habendos auctores mutationum, quas corporum quorumvis naturae lux inferat: tandem nuperrime omnia haec memorata experimenta subtiliter repetiit Physicus *Berard*, saepius eundem eventum obtinens, quem obtinuerant *Wollastonus*, *Herschellius*, *Ritterus* (17). *Gay Lussac* quoque et *Thenard*, cum gaz hydrogenium et gaz murigenium luci exponerent, observarunt satis fortem detonationem, ac utrumque gaz in acidum muriaticum versum. Alii vero ex his experimentis non deducunt eam conclusionem, qua lucem constare triplici radiorum genere statuitur, at solummodo lucem ponunt constare miscela radiorum inaequaliter refrangibilem, quique ideo diversa ratione varia corpora afficiant (18): quibus omnibus adjunxerunt recenter subtiliter atque ingeniose propositam, passim mathematicis formulis demonstratam, theoriam de radiatione ac polarisatione luminis (19).

## §. 2.

Quibus omnibus collatis apparet, ut lucem ipsam mirabilem esse materiem, ita mirabiliter agere in terrestrem materiem, neque in omnem aequali ratione, neque eadem efficacia, cumque adeo diverse mutet mineralia, quanto magis debere mutare vegetabilia: probarunt enim, neque id fallacibus eventibus, innumera experimenta, quo major diversorum principiorum numerus, sive haec sint proxima, sive remota, qualiacunque corpora ingrediatur, eo efficaciorum haec visum, multiplicioremque occasionem, et accipere et praebere, tum in alia corpora suas tentandi vires, tum horum rursus efficaciam experiundi. Sunt autem vegetabilia multipliciter composita.

Quodsi ex memoratis factis conclusionem deducere velimus, num tali quoque ratione in plantas lucem agere affirmabimus, taleque ali commercium inter partes lucis et vegetabilium constituentes: estne hic, quod tute statuamus, hanc plantam electum radium-caloriferum in suum usum convertere, illam plantam desoxygenantem sive chemicum; aut certam quandam miscellam, ex determinata diversorum lucis radiorum quantitate con-

Ha-

(17) Aliquando alium effectum obtinuit *Berard*; ita legimus ap. *Biot*. I. I. t. I. p. 602. „*M. Berard* a retrouvé, les résultats de *Herschell* relativement à l'augmentation de la faculté calorifique, depuis le violet jusqu'au rouge; mais il a trouvé le maximum de chaleur à l'extrémité même du spectre, et non en dehors.” Conf. *Thoms*. I. I. tom. II. p. 34 et 35. Ubi apparet et *Herschellium*, et *Engelfieldum* alium eventum obtinuisse.

(18) *Biot*. I. I. t. I. p. 613 seq.

(19) *Davy*, I. I. tom. I. p. 311—342. *Biot*, I. I. tom. III. p. 383 seqq. et tom. IV. p. 601 seqq. et p. 253. seqq.

flatam, varias plantas varie afficere, variosque in iis motus et effectus provocare; numve contendemus, colorem plantarum viridem effici radio violaceo, aut gas oxygenium ex plantis expelli radio desoxygenante, sive chemico; huncne habebimus principem auctorem quarumvis mutationum, quas lux plantarum indoli inferat; an cum iis faciemus, qui lucem affirmant absorberi a plantis, et eam rursus expelli, cum plantae comburantur. Quis est, qui haec dirimat, aut negando, aut affirmando. Tantis dubiis dum premitur haec res, nonne praestat etiam nunc gradum cohibere, quam per tenebras illidere; supraque dubiam hypothesin incertiore struere; dum per experimenta graviora huic problemati major dies affulserit. Etenim quamvis constet, praeclara esse experimenta, quae cum luce et corporibus fossilibus instituta sunt a Physicis, varios lucis radios aut partes absorbere diversa mineralia, nescio tamen an id jus inde exsurgat, quo ad corpora viva ab inorganicis repetamus tutam conclusionem; nimirum, ne ipsius quidem vis vitalis ratione habita, nemo ignorabit, discrimen magnum intercedere inter plantarum fabricam et mineralium. Praeterea, cum lubenter concedamus, alicujus esse momenti ea pericula, quae fecit ill. *Senebierius* in expositis variis Lucis radiis diversis plantis multiplices et memorabiles obtinens effectus, nescio an inde jure aut cum certitudine possimus affirmare, easdem plantas, quum secundum suam naturam vivant, et luce solari naturaliter fruuntur, eosdem radios eligere, ex quibus electis omnes, quos edunt ejusmodi plantae effectus, possint deduci et exponi. Vix mihi aliud quid haec Senebieriana experimenta videntur probare, quam quod res ita sese habere *queat*.

Nam animadvertendum videtur, lucem, si in plantas cadat, etsi varie compositam, esse unum corpus, quod vires jamjam prius in plantas exerceat, quam hae aliquam ipsius partem absorbeant, assumant: non obstat, cum lucem habeamus corpus compositum, quominus excitata luce, qua tali, plantarum varia organa absorbentia, sive caulis sive foliorum, sive florum, jam ex luce eligant quidquid utile ipsis haec offerat, non aliter ac si quaedam gummi et sacchari aquea solutio radiculis offeratur, qua integrè quidem stimulatae relicto gummi saccharum absorbeant. Equidem non nescio esse Physicos, qui, quasi lucis momento et gravitate allekti, contendunt lucem agere in plantas chemica ratione, easque obedire cuidam affinitatum seriei; qui contendunt, lucem esse hydrogenantem, eo nixi fundamento, quod lux a quibusdam mineralibus oxygenium rapiat, ita horum hydrogenationem promoveat; quod gaz hydrogenium in nonnullis plantis eosdem provocat effectus, quos lux; e. g. colorem viridem, motum foliorum, quod producta vegetabilium eo plus hydrogenii contineant, quo pleniori sole usa fuerint; contra, eo magis oxydata, quo profundiores experta fuerint tenebras. Habeo autem animadvertendum, si ponatur chemica tantum relatione lucem in plantas agere, quod ne-

cesse esse sequatur, quod caetera corpora, quae in plantas aliquam vim exercent, pariter chemice agere, concludatur: nescio enim causam, cur, reliquis materiis exceptis, istud jus unice luci adscribatur. Ita vero apparet, hinc gravem et difficilem exurgere pugnam de doctrina dynamica et chemica; nempe utrum in plantis dominetur vis chemica, an vero alia ab hac diversa, quae vitalis, dynamica, dicitur. Quod certamen cum nimis arduum sit, quam quod hinc ineamus, horum Chemicorum argumenta hic non erucimus; solummodo notantes, allata facta non talia esse, quae non ex dynamica doctrina facilius explicentur; quam expositionem in sequenti paragrapho, suscipere tentabimus. Contra si quis sit qui sustineat, eodem modo lucem in omnes plantas agere, armis instructus videtur, quibus suam opinionem tueatur; quippe species vegetabilis a specie differt, itaque differt aliquantum structura, cui licet idem admoveatur stimulus, qui lux habeatur, non potest quin alius oriatur effectus; digeratur caro eadem a diversis felibus, et singulis est diversus chymus; aqua et acidum carbonicum nutriunt solana et tuberosum et dulcamaram, et utrique singulae suae insunt materies. Apparet interim, quantum pateat campus nova faciendi pericula, quae, ut lucis naturam et vegetabilium indolem illustrare, sic possint forsitan afferre emolumenta rei oeconomicae haud inutilia; quem vero campum ingredi strenue, et constanter permeare, haud parvam exercitissimi et eruditissimi Physici curam exposcere opinor.

## S. 3.

Ex allatis vero primum est colligere, lucem, quod jam supra monuimus, sicut varia ratione inorganicam afficit materiem, ita quoque in materiam organicam diversis modis suam vim exercere: quidquid autem sit, qualiscunque lucis pars in plantas qualicunque ratione agat, probe tenendum est, plantas vivere, atque eam a Natura accepisse facultatem, ut a plurimis irritamentis innumeris modis stimulentur, incitentur, inque accepta irritamenta efficaciter reagant, vimque vi opponant; haec ipsa nimirum vegetabilium vis ubi aperit Physico fontem, ex quo nisi perfectam et plenam, probabilem saltem et fidelem, haud paucorum phaenomenorum expositionem haurire possit. Ad quam vim hic attendisse praeprimis conducit, cum proposita quaestio non recte intelligi posse videatur, nec verus ejus sensus exponi, nisi memoratae hujus plantarum vis ratio habeatur; quare operae pretium visum est demonstrare praestitas lucis vires in plantas, inque harum principiorum proximorum creationem, haud incongrue deduci a stimulo, quem plantarum fabricae lux inferat; eo laetius mihi haec expositio arridet, quo magis haec vis efficax a nonnullis Physicis plantis detrahatur, ejusque molimina negligantur saepius



in explicando gravissimo vegetabilium secretionum opere: quippe mirum videtur, praecellosos viros, qui de plantarum functionibus, de aëris, humi, funi et lucis, efficacia in plantas, eximie scripserunt, haud raro tacere, ut caeterorum corporum, sic et lucis, valorem praeprimis in stimulo allato esse positum, incitante et moderante quidquid praestet materies organica: mirum videtur, magnos plantarum conatus adscribere hos viros, vel rudioribus causis mechanicis, vel chemicae attractioni tardiori, vel aliis ejusmodi rationibus, aevo, ut fit, respondentibus, in quo scribitur. Neque quemquam fugere potuit, dum cuncta se exposituros sperarunt, eos graves commisisse errores, multa phaenomena reliquisse, non exposita, quin ne illustrata quidem, sibi quae ipsos rete nexisse, adeo arctum et multiplex, ut inde se ipsos non expedire potuisse haud obscure appareat.

#### §. 4.

Etenim non superesse dubium arbitror de vegetabilium irritabilitate (20), postquam, ut in nostra Patria, ita alibi, surrexerunt Physici, qui indubiis experimentis et observationibus fidelibus, tum animale, tum vegetabilem demonstrarunt irritabilitatem. Hanc probarunt capta experimenta cum Euphorbiis (21): facta pericula et observationes de languore plantarum et hyemali et senili (22), de humorum absorptione et adscensu (23), de regulari, certis legibus adstricta, diversorum vegetabilium diversa defoliatione (24), de mi-

(20) Latiori sensu accipio vocem *irritabilitatis*; eam derivans a vocabulo *irritamentum*. Constat autem varie sensu hanc vocem acceptam esse, cum ea significavit Hallerus singularem vim musculis propriam, et Gœtius eam solidi vivi sensilitatem, quae levioribus stimulis in motus enormes irrumpat; *Inst. Path. gen.* Ed. 3. p. 87. nec video quare vocabulo *irritabilitatis* praeferatur hodie vocabulum *incentivabilitatis*, ut enim *irritabilitas* ab *irritamento* derivatur, ita ab *incentimento* *incentivabilitas*: utrumque autem non usurpavit vetustas: accedit quod, qui primi hanc animalium plantarumve vim enucleate exposuere, vocem *irritabilitatis* usurparint: sic Cl. *Perichæsius* suam hoc titulo insignivit dissertationem *de arteriarum et venarum vi irritabili*, caet. Groning. 1766. et Cl. *Gmelinus*, suam in-ecripit dissertationem *de irritabilitate Plantarum*, Tubingae 1768. quare quoque eo sensu *irritabilitatem* accepit Docq. *Conlen*, in egregia dissert. *de mutata humorum indole a vi vitali viscerum derivanda*: et Germanice jam pridem eodem sensu *irritation*, *irritabilität*, occurrit; vid. *Glissonem* apud *Sprengelium*, in *Versuch einer pragmatischen Geschichte der Arzneykunde*, 5 Theil p. 108. ita etiam Gallice *Humboldtus*, qui ipse irritabilitatem vi muscutorum opponit, dicens. „Les vegetaux, si analogues aux animaux par rapport a l’irritabilité de leurs fibres et aux stimulans qui les excitent, en different essentiellement par rapport a leur mobilité” vid. *Voyage de Humboldt et Bonpland*, *Botanische partie*, Premier volume 1807. *Geograph. des Plantes*, p. 24.

(21) *Conlen*, *dis.* l. p. 10 seqq.

(22) *Conl. dis.* l. p. 20 et 25.

(23) *Von Marum*, in *dissert. de motu fluidorum in plantis*. *Conl. in dis.* l. p. 10 seqq.

(24) G. *Proth*, *Observat. de defoliatione vegetabilium*, 1797. p. 8 ad 24.

mirabili per radicularum fines guttularum secretione, fonti ex quo proveniunt nocentium quam maxime, si retineantur in humo, et alias plantas saepius turbantium et destruentium (25); quibus accedunt tentamina cum Electricitate instituta, quam invenerunt Physici plantarum vires incitare, haud raro diminuere, aliquando extinguere (26); atque observationes et instituta experimenta in motus, quos singulares haud paucarum plantarum folia et organa sexualia cieant (27).

## §. 5.

Jam vero in hanc irritabilitatem vegetabilium, nescio si ne aliqua materies, quae plenius dominetur, eamve incitet facilius, quin dixeris, urgeat efficacius, ad gravissimis suis officiis fungendum, quam lux (28); quanto, quaeso, ardore quanta vi ad lucem, sive solis naturalem et potentiolem, sive candelarum artificialem et debiliorem, accedere studeant folia et rami, et quidquid vegetabilis colorem viridem gerat, docent perpulchra C. Bonneti experimenta (29) et quotidianae confirmant observationes, quibus constat inter omnes, in hybernaculo aut caldario, initio quo collocantur plantae, foliorum utramque paginam quaquaversum patere; paulo post hunc situm convertere folia, et unam dirigere diligenter et studiose paginam superiorem fenestras versus, lucem transmittentes; observatu dignum est, quantopere nitantur et studeant herbae, sub densis dumis et sentibus occultae, ut, per relictas horum spatiola effugientes, exiguas impeditae lucis moleculas absorbeant, quo nisu vidi plantas induentes formam mirabiliter monstruosam et tortuosam. Est tamen notandum, non omnibus plantarum partibus lucem esse ami-

(25) Cf. Brugmans, de Lolis ejusdemque varia specie nova et urn, vel Oratio de accuratiori plantarum indigenarum notitia maximo commendanda, pag. 17.

(26) Ingenhousz, Versuche mit Pflanzen, 3 Band. 2. 65. Journal de Physiq., 1786. Fevr. Journ. de Physiq., Nov. 1776. Journal 1. 1784. Dec. Journ. 1. 1789. Sept. et Decemb. et 1793 ubi legitur „lettre de Mr. van Marum a Mr. Ingenhousz contenant des experiences sur l'action des vaisseaux des Plantes, qui produikt l'ascension de la seve, et Voigt's Magazin fur das neueste aus der Physik, 6 B. 4 St. 1790. 2. 70.

(27) Vid. Conl. Diss. 1. p. 3 et 4, ubi plures laudat Auctores. Praeterea de Droscephalo Americano Mem. de L'Acad. des Sc. de Paris, Ao. 1712. p. 212. de sensitiva Min. Ao. 1729. p. 35. eadem Acta et 1736. p. 73. de Apocynose No Androsacmi, Genoots. van Vilsingen, Deel 5. bl. 284. Deel 9. bl. 1. de Hedyotis gyrantis Mem. de l'Acad. des Sci. de Paris, 1784. Voigt's Magaz. tom. 6. St. 3. Sect. 11 seq. de irritabilitate organorum sexualium vid. Mem. de l'Acad. de Paris, Ao. 1787. p. 468 et Nov. Act. de Petropol., Tom. 6. p. 207—216. Ao. 1788.

(28) Quantas vires lux exercent in animalia, praeter ceteris in hominem, egregie docuit Horvius, Ueber die Wirkungen des Lichts auf den lebenden menschlichen Körper mit Ausnahme des Sehens, von E. Horn, Königsberg 1799.

(29) Recherch. sur l'usage des feuilles dans les plantes, p. 77 et seq. Ray, Hist. plant. Tom. I. p. 15.

amicam, eamque contra nonnullis molestam; scilicet constat, quo praestantius irritamentum sit, eo plus periculi metuendum esse ab intempestivo ejus usu: ut enim caudici adscendenti gratissimus est et necessarius lucis usus, ita descendenti inimicus et infestus; quo fit, ut, sicut ille omni ope nititur, qui lucem appetat, ita hic, quantum potest, lucem fugiat. Est autem haec fuga, quae veram videatur pandere causam, cur caudex descendens sub terra se subducatur, et radículas proferat, et ascendens supra terram sensim sese elevet et trunci vices gerat; quare, sicut solet, jam egregie dixit summus *Linnaeus*, in praeclaro opere *Philosophia Botanica* „arbores fruticesque sunt „radices supra terram, arbor verticaliter inversa e caudice descendente fert folia, ex „adscendente radículas.”

## §. 6.

Neque minus quid faciat lucis irritamentum monstrant plantarum vigiliae. Specto hic pulchras *Linnaei* observationes, docentes esse plantas, quae determinatis diei horis flores aperiant, expandant, claudant; sicut Tropici mane aperti et ante vesperam reclusi, et aequinoctiales certa et positiva diei hora idem facientes: unde horologium confecit promptum *Linnaei* ingenium (30). Lucis valorem confirmat vegetabilium somnus, nomen non prorsus incongruum. Nimirum sunt plantae, quorum folia, praepremis composita, quippe mollioris structurae et tenerioris indolis, sole occidente, situm mutant, dependeant, versus se invicem inclinent, se invertant, tangente alterius folii facie superiore alterius superiorem, et se imbricatim quasi imponant fructibus et floribus, acsi hos defendere conentur a noctis injuriis, uno verbo, quorum situs directio ita a solitis et diurnis discedant, ut haud raro novam quasi Physionomiam induisse plantam dixeris, neque interdum eandem agnoveris; sole vero oriente pristinum situm recipiunt folia, et instituta quasi acie amplissimam superficiem amicissimis solis radiis opponunt. Videtur autem hic somnus pro parte exponendus ex mutata petioli vasorum directione, quorum tenacitatem et tonum Lux sustentat et auget egregie; unde id efficitur ut, luce absente, petioli vasa et horum expansio, quae folium est, alium situm accipiant. Ex quibus simul elucet, haud minorem luce utilitatem plantis praestare noctem; ut enim, nox si foret diuturnior, omnes plantarum functiones languerent, torperent et suspenderentur, et induceretur vigoris vitalis extinctio, soporque dein lethalis, ita si semper vigeret Lux, nimis incitatis quibusvis functionibus, exhaustis secretionibus et exhalationibus, irrumpente, nullis amplius stimulis irritanda, lassitudine, siccae et oppressae succumberent plantae.

## §. 7.

(30) *Ph. Botanica*, p. 272 et seq.

## S. 7.

Insignes vero lucis vires quam maxime docent plantarum absorptio et exhalatio, longe diversae prout fruuntur luce, aut careant. Quod si solis radiis collustrentur vegetabilia, adeo incitatur horum absorptio, ut multo major aquae copia ingeratur, tum per ramos et folia, tum per radículas, quam si in locis umbrosis et obscuris crescunt. Demonstrarunt id capta experimenta (31), et confirmant plantae Aequinoctiales frigidarum regionum plantis et majores et succis pleniores. Incitatur praepremis acidi carbonici appetitus, sive aëri inhaerentis sive aquae; quid, quo pleniore sole fruuntur, eo majorem acidi carbonici copiam adsciscere plantas, facta pericula a *Priestleio* (32), *Senebierio* (33), *Ingenhouszio* (34) et *Saussurio* (35) demonstrarunt; adeo ut, si plantae crescant in locis umbrosis, hanc absorptionem torpere graviter, sin autem in obscuris, omnem silere, invenerint. Quod magis est, excipit in tenebris acidi carbonici absorptionem, hujus acidi exhalatio, quae vesperi incipit, noctem omnem durat, et desinit sole Oriente (36). Et multo magis regit lux exhalationem: scilicet constat praeclaris *Hallesii* (37), *Senebierii* et *Guettardi* (38) experimentis, quo magis luce collustrarentur, eo majorem aquae copiam plantas exhalare, nihil vero aut parum, si in locis obscuris licet calidissimis crescebant. Docuerunt quoque *Priestleii* (39), *Spallanzani*

(31) Vld. *land. Dissert. Conleuii* p. 22. ubi egregium legitur experimentum, quo constat ramulos *Berulae* alii duos octo horis tenebris et luci exposuisse Doctiss. *Conleuium*; quorum alter luci expositus absorpserat  $\frac{10}{12}$  aquae, alter vero tenebras expertus tantum  $\frac{8}{12}$ .

(32) *Proeven en Waarnem. op verschill. soorten van Lucht*, tom. I. p. 131—141.

(33) *Recherch. sur l'influence de la lum. solaire*, p. 10—26.

(34) *J. Ingenh. Versuche mit pflanzen*, tom. I. p. 51—55, p. 75 seq. p. 286 seq. tom. II. p. 55 seq.

(35) *Recherch. chim.* p. 30 et seq.

(36) *Ingenh. L. L.* tom. I. p. 61 seq. tom. II. p. 39 seq. p. 61 seq. p. 103 seq. p. 145 seq. et *Saussure I. I.* p. 67 et seq.

(37) *La Statique des Vegetaux*, p. 17. *Experient.* 5. et p. 20 seq.

(38) *Senebier, Physiol. Veget.* tom. IV. p. 58 et 65. *Mém. Phys.-Chém.* tom. III. p. 318. et *Biologie oder Philosophie der lebenden Natur* von G. R. Treviranus, tom. IV. p. 33.

(39) *Mémoires sur la transpiration insensible des plantes* par Guettard, dans les *Mémoires de l'Académie des Sciences de Paris* Ao. 1748. pag. 569—592. et Ao. 1749. p. 265—318. ubi leguntur experimenta et accurate et crebro repetita, *Hallesiana* confirmantia; quibus omnibus constitit, plantas lucis radiis carentes, at calidiori aëre usas, multo minus transpirare, quam radiis lucis collustratas, frigidiorum vero aëra expertas; ipsamque plantae partem, luce fructam, transpiratione uberiorem fuisse superiore ejusdem plantae ramo luce destituto.

nii (40), *Succowii* (41), *Ingenhouszii* (42), *Senebierii* (43) et *Saussurii* (44) experimenta, ex plantis, sole aut luce non collustratis, nullum gaz oxygenium prodire, quod ex iis luce fruentibus, largiter expellitur (45).

Itaque apparet lucem magnopere incitare vegetabilium irritabilitatem, et magna pro parte moderari eorum absorptionis et exhalationis opera, suoque regimini submittere eorundem nutritionem et incrementum; quae quidem conclusio eo facilius colligenda videtur, cum Lux habeat moderamen, in absorptionem talium substantiarum, aquae nimirum et acidij carbonicij (46), quae potiolem alimentij partem plantis efficiunt, atque ita

(40) *L. L. P. L.*

(41) *Journ. de Physique* tom. V. 48. p. 133.

(42) *Comment. Academ. Palat. Phys.* Vol. V. p. 160.

(43) *L. L. tom. L. P. L.* et tom. L. p. 51 seq., 247 seq. et 286 seq.

(44) *Mém. Phys. Chim.* tom. I. praepimis p. 30—34.

(45) *Saussure, L. L.* p. 27—59.

(46) Dissentiant inter se Physici, utrum acidum carbonicum plantis alimentum praebeat, nec ne. Ex hoc acido carbonicum adsciscere plantas affirmant *Priestley*, *Proeven en Waarnemingen op verschillende soorten van Lucht*, Tom. I. p. 131—141. *Ingenhousz*, *Versuche mit Pflanzen*, Tom. I. p. 51—53. pag. 73 seqq. pag. 95—99. Imprimis pag. 286—289. *Senebier*, *Recherch. sur l'influence de la lumière Solaire*, pag. 10—26. *Mém. Phys. Chim.* tom. I. *Saussure*, *Recherch. Chimiq. sur la végét.* p. 30 seqq. — *Negand Hassenfratz*, *Scheik. Bibl.* Tom. II. p. 127—139 p. 262—272. p. 301—309. *Griedelius*, *Reinwards Tijds. voor Nat. Wetens.* No. 2. p. 188. et *Organ. Körper Chemisch betrachtet*, Tom. I. p. 117. *Cröllius*, *Treviranus (Biologie)*, Tom. IV. pag. 90 seqq.) Si quis autem arbitretur, acidum carbonicum in alimentum plantarum cedere, non tamen obstat, quominus habeat acidum carbonicum efficacem plantis stimulum: quicquid enim assumat fabrica organica, in hanc vires stimulantes exserit: praeterea si quae vires et functiones et fabricam regui organici consideret, mox videbit, nunquam organa remittere talem materiem, qualem assumpserint; stimulata alimento fabrica novam excitari actionem, et hanc talem, qualis summo Naturae beneficio optime valeat, contenti alimenti indolem mutare, inque novam convertere: ita stimulantur glandulae salivales et ventriculi cryptae alimentis et chymo, ut eliciantur succi, ad decomponendam alimentij naturam, exque decomposita novam formandam materiem aptissimam: haud aliter videmus aquam intrantem foliorum et radicularum vasa, haecce illam resolvablem, novasque ex ea materies struentia. — At quicquid excrementum est, non adhibetur in alimentum individui excrementis; plantae vero, dum exhalant, multum acidum carbonicum rejiciunt. Ita quidem; sed si de quodam excremento res sit, ratio temporis est habenda, quo materies excernatur; die enim absorbent acidum carbonicum, noctu idem exhalant plantae; praeterea sunt excrementa, quae haec non sunt, nisi organica, quae ista efficiant; ita cutis vasa exhalantia exhalant aquam, absorbent eam cutanea absorbentia; in plantarum foliorum et radicularum vasa ejiciunt aquam, et avidè aquam adsolunt. — At ex humo plantae eligunt carbonium. Ita quidem; nescio tamen causam, cur carbonium ex humo potius, quam ex acido carbonico in plantarum nutrimentum convertatur; perpetuo enim pergunt plantae absorbere, digerere, nutrire, secernere; num igitur eadem vasorum vires, quae ex humo carbonium haustum in alimentum convertunt, immutatam reliquunt acidum carbonicum; an hoc per tot millia vasorum meandrorum et gyrorum, quot plantae abundant, integrum circumvehitur? an in hoc, dum stimulat, vasa nihil reagent? minime id fieri posse apparet clare. — At tantum acidum carbonicum copiam exhalant plantae, quantum adsciscunt. Mirum sane aequilibrium, et in regno organico rar-

ita dirigat exhalationem, ut expirentur gaz oxygenium et aqua, quae si retineantur, procul dubio vegetabilium fabricae nocent et gravissimas inferunt molestias. Verum non opus est, ut amplius demonstrem argumentis, ex Physiologicis et Pathologicis principiis petitis, quantopere mutantur secretiones, et a solita norma recedant, exhalatione et absorptione mutatis, insolitis stimulis incitata irritabilitate, et ad quosvis enormes motus provocata, alioque, quam quod solet ingeri aut conducit, allato alimentorum aut genere, aut copia. Quorum principiorum ratione habita, tantum abest ut haesitantes dubitemus, ut certo certius nobis persuasum sit, in plantis in umbra et tenebris crescentibus insolite lacessitam irritabilitatem, insolite peractas exhalationem et absorptionem, insolitumque alimentorum appetitum et ingestionem, insolito ordine sequi et perversa norma omnem secretionum officinam.

At vero duce sana Physiologia, neque speciosis argumentis aut dubiis experimentis de vera via deducti, docemur, principia proxima organica, quaeque sint sive animalium sive vegetabilium, ex uberrimo secretionum fonte non tantum singula esse hausta, verum haec principia proxima habenda esse nihil aliud, quam effectus harum secretionum quam maxime necessarios. Praeterea constitit praeclaris experimentis, quantam efficaciam lux exserat in generationem, tum spontaneam, vel aequivocam, tum solitam, natam ex sui similibus. Scilicet quantopere infusoriorum, quae dicuntur animalcula, vel confervularum, sive materiei viridis *Priestleyi*, genesin lux augeat et promoveat, docuerunt *Ingenhousz* (47), *Treviranus* (48) et *Ludersen* (49). Verum, id quod hic volumus, in tenebris nullam foecunditatem vel generationem in plantis unquam observavit *Moesius* (50). Quibus collatis apparet, nullam esse quarumvis plantarum functionem, quam

assissimum; est deinde difficillimum, immo *impossibile*, certo calculo definire omnem nutritionis in vegetabilibus processum, veramque reperire rationem inter assumpta et excreta: at vero, praeter ipsa *Senebleri* et *Ingenhousz* experimenta, non tale quid indicant subtiliter instituta a *Saunders* experimenta, *Recherch. Chim.* p. 27 seqq. imprimis p. 9 seq. quare dubito, hanc rem jam esse demonstratam. Unde igitur carbonium hauriunt ut reliquae, ita imprimis illae plantae, quae non humo fruuntur, quae aëreae, saxis increscunt, Caeti, Aloae, alliae? Praeterea respondent: est carbonium productum vegetativum (*Trevir. Biolog.* Tom. IV. pag. 93.) lucis efficacia efformatum; et affirmat *Gründler*, ex aqua carbonium producere Naturam. *Reinhardt l. l.* p. 183; Nimirum, nulla alia via erat superstes, quam haec hypothetica. Hanc autem carbonii formationis rationem etiam nulla confirmant experimenta, nullaeque observationes. Quibus omnibus collatis nondum video, quare negem, ex acido carbonico sibi comparare plantas aliquam sui carbonii, quo ex parte componantur, portionem.

(47) *Nouvelles Expériences et Observations sur divers objets de Physique*, p. 6—136. praecipuis p. 22 et 23. vel *Versuche mit Pflanzen*, Tom. I. II. III. et *Journal de Physique*, Tom. XXVI. pag. 1 seq.

(48) *Biologia*, Tom. II. p. 298 seq.

(49) *Natuurkund. Verh. van de Holl. Maatsch. der Wetensch. te Haarlem*, VII Deel, I Stuk, p. 40, 52, 53—57.

(50) *Journal de Phys.*, 1775. tom. VI. p. 453—456. Ubi egregia leguntur *Meeziana* experimenta, quae quod innoverint Celeberrimo *Swindeno* debetur.

quam lux non incitet et promoveat. Quidquid enim Physici disputent de vegetabilium functionibus et viribus, de eorum irritabilitate Halleriana, sensibus et sensorio communi, quorum organorum et virium defensionem, nonnulli suscepisse videntur, magis indulgentes nimiae analogiae, quam ducti naturae observatione (51), ad quinque functiones singulae, quasquas habeant plantae, haud incongrue possunt reduci, nimirum ad absorptionem, assimilationem, secretionem vel excretionem, evolutionem et generationem.

Vidimus autem, et mox amplius videbimus, magnopere in umbra et tenebris torpere absorptionem, assimilationem, quibus laesis fit, male ut afficiantur organa secretoria, hinc evolutio turbetur, perdaturque ita memorabilis illa functio, ad quam edendam, ut animalis sic vegetabilis univerti, justum robur, tonus, energia, exigantur; haec est Generatio. Verum nescio sitne aliquis, qui non tantum non percipiat, ne sibi quidem fingat, posse omnes functiones corporis vegetabilis, eo quo diximus modo a luce promoveri, nisi statuat, creationem principiorum proximorum a luce pendere, saltem aliquam accipere modificationem. Haud enim ignorat, quidquid lux in plantas agat, id agere stimuli ope, et porro singula principia proxima esse secretionis effectus, prae ceteris vero ei certum est, indolem materiae secretae qualemcumque conformare applicationem sti-

(51) Vid. *Zönnemie über Gesetze des organischen Lebens von R. Darwin aus dem Englischen überaus von J. D. Brandt*, Thell. p. 189 ad p. 191. dicit „die Blätter der Mimosa, der Dionäa, die Staubfäden verschiedener Blumen, haben einen sinn für äusserlichen Eindruck, das ist einen Gefühlsinn und also ein gemeinschaftliches Sensorium“ p. 193 et 194. Durch welche Kraft werden die Staubfäden in manchen Blumen und die stempel in andern geleitet, um ihre Liebhaber zu finden? Wovon wissen die einen, dass die andern in ihrer nachbarschaft sind? Wird diese sonderbare Art von annäherung durch mechanische Anziehung oder durch die Empfindung der Liebe hervorgebracht? Die letztere meinung wird durch die stärkste Analogie unterstützt.“ Loquitur de gustu, tactu et concludit p. 193. „Diesen muss noch die unzweifelhafte Evidenz ihrer Leidenschaft der Liebe hinzugefügt werden, und ich glaube, wir können mit wahrheit schliessen, dass sie mit einem gemeinschaftlichen sensorium begabt sind, welches jeder Knospe eigen ist, und dass sie gelegentlich diese Perceptionen wiederholen müssen, entweder in ihren Träumen, oder in den stunden des Wachens, und folglich sowohl von manchen Eigenschaften der Welt ausser ihnen, als von ihrer eigenen existenz, müssen Ideen haben!“ Jam ante Darwinum fuere Physiologi, qui sensus plantis negare non ausi sunt, Ita Ao. 1766. *Robinetus*: „Sentir, percevoir, penser, connaître, sont des mots Synonymes. Aussi je ne vois aucun risque à admettre dans les Plantes un certain degré de connaissance, et d'intelligence, de pensée, et de jugement; puisque nous sommes forcés, d'y reconnoître du sentiment, du désir, de l'aversion, attestés par les actes qui les supposent.“ Haud aliter *Torricus Anglicus* (Vid. *Coulon. Disert.* l. p. 31 et 32.). Quin ipse praeclarus et Physicus et Philosophus *Bonnetus* non temere sensus dotes plantis esse negandas negavit, ac prudens judicio, quo erat, argumentis defensoribus vegetabilium sensibilitatis addidit „nos jugemens sur l'insensibilité des Plantes sont hasardés. Je n'ai pas prétendu prouver que les plantes sont sensibles, mais voulu montrer qu'il n'est pas prouvé, qu'elles ne le sont point.“ *Contempl. de la Nature*. Part. X. Chap. XXXI.

stimuli ad fabricam secernentem. Itaque, sive lux habeatur corpus, quod per se subsistat, sive alius corporis cujuscunque modificatio, aut effluxus, sive dicatur simplex, sive quid compositi, quod probabilius est, cum videatur singulas corporis vegetabilis functiones *stimulare irritamenti ope*; debet determinare potissimum principiorum vegetabilium proximorum indolem.

## CAPUT SECUNDUM.

QUODNAM DISCRIMEN INTERCEDAT INTER PRINCIPIA VEGETABILIIUM PROXIMA REGIONUM, QUAE MAJORES MINORESVE LUCIS VIRES EXPERIANTUR.

## §. 8.

**M**ajoribus premimur difficultatibus, si perscrutemur, quasnam partes ad principia vegetabilium proxima creanda Lux conferat, aut quatenus horum creet. Licet enim lubenter fateamur, qui maximas meritissimis Naturae perscrutatoribus gratias agimus, fuisse jam Physicos, qui magna pulsi cupiditate latum Scientiarum Physicarum ambitum latius extendendi, in hanc quoque rem diligenter inquisiverunt, noviterque detecta phaenomena permagne suarum inventionum numero addiderunt; si, quod sentiam, palam profiteri fas est, non videtur haec res pro sua dignitate et momento indagata esse; relictus est campus amplissimus sane et dignus, quem percurrant diligentius. Physicorum enim, qui hanc rem examini subjecerunt, nonnulli florere eo praecedentis saeculi articulo, quo, nondum mutata Chemicae disciplinae facie, vegetabilium analyseos ratio parum habebatur, neque nisi igne, fallaci utique auxilio, investigata chemica vegetabilium natura colligebatur; in qua conditione versati sunt *Meesius*, *Bonnetus*; alii vero, *Ingenhouszius*, et praepriis *Senebierius*, id quidem felicitatis fastigium attigerunt, ut praeclassis *Blakii*, *Priestleii*, *Cavendishii*, et pneumaticae, quae dicitur, chemiae summi condi-



ditoris *Lavoisierii* conatibus, omnis, at praecipue vegetabilis chemiae conditionem praestantiores viderint et perfectiores; quam non tantum negamus eos unquam neglexisse, verum in quam egregium usum hanc ipsi converterint, ad amplificanda et illustranda sua experimenta, eorum opera optime testari opinamur; ipsi tamen vegetabilium analysi, ut etiamnum multa, sic tum temporis plura deerant auxilia et artificia; deerat per magnus experimentorum varia ratione, ut decet, repetitorum numerus; haerebant excultae opiniones ex collapsa antiquiori theoria superstites, et aliquando colebatur omnis scientiae capitalis hostis, sectae studium; accedit, quod indefessa recentiorum chemicorum industria in plantis nova detexerit principia proxima, novas ejusdem principii quasi species, multasque novas principiorum mutuas copulas. Hinc caute progrediendum esse colligentem me admonuerunt, rei, cujus tractationem suscepi, natura, et huic debitae cautelae, ut perlostraret, quid Lux praestet plantis earum regionum incolis, ubi sol spargit ditiores radios, quid contra plantis illas terras habitantibus, quae Lucis rariores accipiunt radios, et quodnam discrimen intercedat quantitatem inter et qualitatem principiorum proximorum utriusque generis plantarum.

## §. 9.

Cuique regioni sua est facies, quae dependet a ratione, quae est inter solis et regionis stationem, ab aëre, ab ipsa regionis superficie, et continentis et aquarum, ab utriusque hujus incolis animantibus, et prae caeteris, quod hic volo, a vegetantibus; id decent pulcherrima quorumvis optimorum Naturae descriptorum opera, et venustissima venerabilis antiquitatis monumenta, Graecorum Romanorumque poemata; quantum discrimen inter Europeanam et Asiaticam, inter Africanam et Americanam vegetationem, quantum inter Australicas reliquasque terrarum orbis memoratas plantas: plantarum varietas et discrimen sunt, quae ex frigidissimis Europae plagis profectum in summam rapiant admirationem, si Americanas palmarum sylvas ingrediatur; haec movent Nigritam, qui assuetus confertae et diflori vegetationi conspiciat nudos Borealis Europae graminosos campos; percepit tale quid in barbaram Lapponiam iter faciens eximius *Linnaeus*, cum scriberet: „calidissimas orbis partes regit superba Palmarum familia, terras calidas incolunt fruticantes plantarum gentes, Australes Europae plagas numerosa ornat herbarum corona, Belgium Daniamque graminum occupant copiae, Sueciam muscorum agmina, ultimam vero frigidissimamque Lapponiam pallidae algae, praesertim albi *Lichenes* (1).”

19

(1) C. *Linnaei flora Lapp. proleg.* p. 34.

In America, Africa, Asia, calidiori Europa, majore energia evolvuntur plantae, laetius et crassius excrescunt, surgunt trunci ad incredibilem magnitudinem cum foliis, suo trunco respondentibus, mire augentur flores et fructus et numero et magnitudine, splendentes et rubentes lucis ignisque aemuli, dumque spargunt gratissimos et efficacissimos odores, simul sapore vario fragrante pleni. Est hujus incrementi sol auctor; adeo ut si fingamus ditissimos suos radios ab Africa et America solem advocare, non amplius Lauros et Melastomas neque superbas Palmas Americam ornare intelligamus, et Africam perdere ingentes suas Ericas, Aloës, Liliaceas, Stapelios; quos radios si colustrare Sueciam et Lapponiam ponamus, Algarum, Muscorum et Lichenum successores habemus Mimosas, Palmas, Myrtos: neque leve esse aut dubium hoc assertum videntur confirmare anni tempestates, diversis suis articulis diversas plantas ferentes, et perpulchrae principum peregrinatorum observationes, ubi clima est idem, probantes, eandem quoque inveniri vegetationem: quales sunt *Tournefortii*, qui ad radices Ararati reperit illas plantas, quae in America erant vulgares, adscendenti autem altius obviam ibant vegetabilia circa Lutetiam Parisiorum crescentia, et superiori loco plantae Suecicae; quare jam id breviter expressit *Linnaeus*, „reperiuntur in Pyrenaeis, Helveticis, Scoticis montibus, Olympo, Ida, eadem vegetabilia, quae Alpes Lapponicas et Groenlandicas vestiunt (2).” Quibus collatis concludimus, cum forma vegetabilium externa diversarum regionum tantopere differat, differre quoque plantarum structuram internam et secretionum officinam, atque ideo harum effectus, qui dicuntur principia proxima: quam rem jam amplius investigabimus, ab acidis incipientes.

## §. 10.

Diversa acida in plantis reperiri novimus, quorum alia magis insunt plantis regionum Orientalium et Meridionalium indigenis, alia magis propria plantis Borealibus, alia utrique harum generi competunt. Sic acidum aceticum invenitur in sévo quarumvis plantarum, vel nudum vel cum potassa copulatum (3). Acidum Oxalicum ingreditur quoque radices et cortices utriusque plantarum generis, ut Lapathi, Foeniculi, Valerianae, Curcumae, Zedoariae, Zengiberis radices, Cinnamomi, Cascarillae, Cassiae, Quercus, Ulmi,

(2) *Linnaei, Oratio de telluris habitabilis incremento*, p. 54. *Essai sur la Géographie des Plantes*, par Humboldt, et *Tableaux de la Nature*, par Humboldt, ou *considérations sur les Mœurs, sur la Phytonomie des végétaux, et sur les Cataclysmes de L'Océan*, traduits de l'Allemand par Eyries, et *Biologie oder Philosophie der lebenden Natur* von G. R. Treviranus, 1803. zweyter Band. p. 44 seqq.

(3) *Thoms. tom. VIII. p. 5.*

mi, Fraxini cortices (4). Acid. tartarosi ortum nescio etiam, Borealibusne potius tribuamus, an vero Meridionalibus vegetabilibus; ingreditur enim Leontodon Taraxacum, Triticum repens, et simul Tamarindos et Agavem Americanam (5). Citricum vero, quod rarius cum alcalibus, nisi cum parva calcis copia, conjunctum occurrit, purum fere continetur in maturis fructibus Europae meridionalis et Orientis, ut in iis Citri medicae et Aurantiorum, mixtum vero cum acido malico in fructibus rubris nostrarum regionum, in immaturis majori copia; quod uvae confirmant, quae boreali terra cultae praepremis immaturae hoc acido plenae sunt (6).

Acidi malici autem multo majorem copiam parant plantae boreales, quam meridionales; quod docent poma, pruni, baccae rubesiorum, berberis, hoc acido ditissima; cujus tamen vestigia detexit *Vauquelinus* in Tamarindorum pulpa, *Fourcroisius* in Phoenicia Daetileferae polline, *Hoffmannus* in Agave Americana (7). Acidum Gallicum numquam inventum est nisi arctissime junctum cum principio adstringente, quod omnis regio gignere videtur; quare non meretur Meridionalibus, potius, quam Borealibus plantis attribui (8). Acidum Prussicum dicitur inesse foliis Lauro-Cerasi, fruticis Meridionalis Europae, et inest in hortis nostris cultis, Lauro-Cerasis; praeterea omnes nuces amaras frequenter quoque in nostra patria suspicantur Chemici hoc acidum praebere (9). Acidum Benzoicum dicitur nondum esse repertum, nisi in Balsamis quae veniunt ex calidissimis regionibus (10): an igitur hoc acidum parant herbivora, quorum faeces et urinas constat hoc acidum ingredi (11)? an vero gratissimus odor, quem spargit fenum bonae notae, ex hujus acidi vaporibus nascitur? Est tamen acidum, quod junctum cum calce non invenitur, nisi in cortice unius arboris, coelo utentis serenissimo, calidissimo, id est Kinicum (12). An huic opponere licet acidum Fungicum in fungis inventum (13), quos haud ignoramus quaerere sibi domicilium frigidum, humidum,

(4) *Thoms.* Tom. VIII. p. 6.

(5) *Id. Eod.* p. 7. 8.

(6) *Id. Eod.* p. 9.

(7) *Id. Eod.* p. 9. *Thenard traité de Chim.* III. p. 94.

(8) *Id. Eod.* p. 11. *Thenard Eod.* 115 seq.

(9) *Thoms. L. L.* p. 12. seq. et *Beiträge zur geschichte der Blaukure; mit versuchen cast. von Ichnow.* 1809. p. 105 — 120.

(10) *Thomson. L. L.* p. 270 seq. *Thenard tom. III.* p. 105.

(11) *Annales de Chim.* tom. XXXI. p. 62 seq. *Thenard, tom. III.* p. 590.

(12) *Thenard, L. L.* p. 119, et *Reijnders, Tijdschrift voor Natuurkund. Wetensch.* No. 1. p. 79 et seq.

(13) *Thenard, L. L.* p. 113 seq.

obscurum? Quodsi qualitate acidorum non multum a se invicem differre videantur plantae diversarum regionum, largis vel paucis solis radiis collustratarum, majus intercedit discrimen inter acidorum quantitatem, horumque cum aliis principiis copulas: solent enim Meridionales et Orientales plantae minorem acidorum copiam praebere, quam Boreales; quod manifesto apparet, ambarum plantarum fructibus inter se comparatis, aut in Borealibus hortis cultis plantis Orientalium regionum indigenis: praeterea in Oriente, acida cum saccharinis, aethereis, resinosis principiis copulam ineunt, in Borealibus plagis vulgo cum mucilagine et parca muco-sacchari copia; unde talium fructuum proficiscitur sapor acrior et acerbior, non nisi largo sacchari usu corrigendus.

## §. II.

Difficilius est de principiis extractivo, coriario, amaro, narcotico et acro, disserere. Principium extractivum enim saepe confunditur cum extracto, quasi sint eadem; haud vero leve est inter haec duo discrimen; alterum enim habetur principium singulare a caeteris diversum; alterum continet varia principia mixta, aut chemice inter se copulata: praeterea sunt, qui dubitent, num revera existat in plantis tale principium (14); quae quidem dubitatio indicat, nondum esse reagentia, quae in aprico ponant materiam extractivam, quae vero hanc detegere putantur, in alias materies simili ratione agere. Physicorum etiam existere materiem extractivam affirmantium analyses docent, eam arctissimo vinculo cum multis principiis, ut coriario, gummoso, resinoso, aliis, jungi, et acris attactu facile in resinam mutari, innumerasque accipere species, tot fere, ex quot plantis extrahitur; diversamque esse in sevo plantarum, diversam in cortice, aliam in radice; unde haud immerito concludere videmur, hoc extractivum principium in diversis regionibus diverse parari, et contendimus in regionibus apricis magis accedere ad indolem resinosa, in frigidis ad mucilaginosam: id quod apparet egregie, si ex Cortice Peruviano et Cascarilla extractum paratum comparemus cum extractis ex nostris regionibus collectis. De Principio coriario quoque nondum certo constat; licet nulla sit materies vegetabilis, quam diligentius et saepius perscrutati sint expertissimi chemici, inter quos, *Lavoisierium*, *Seguinum*, *Proustium*, *Trommsdorffium*, *Pelleterium*, *Davyum*, *Thomsonum*, nominasse sufficiet (15). Plerique assumunt, esse hoc principium saporis adstringen-

(14) *Thom. L. L.* p. 166. *Thenard, L. L.* p. 341 seq.

(15) *Thom. L. L.* p. 152 seq. *Thenard, L. L.* p. 342. et *Disput. Chem. de adstring. mat. defensa a Cl. Fournier* et *die Organ. Körper chemisch betrachte von, D. H. Grindel*, p. 26 seq.

gentis, collamque animale praecipitare sub specie materiae tenacis, in aqua non solubilis, difficillime putrescentis; magnamque vim exercere in quasvis metallorum solutiones, maximam in stanneas et ferreas. Ut extractivi, sic coriarii principii plurimae sunt species; exemplo sint principia coriaria e Gallis, Thea, Tevia Catechu, Gummi Kino, parata, his illisve dotibus a se invicem diversa. Gignit autem hanc materiem omnis regio, si lichenum, muscorum, algarum, quippe rarissime eam secum ferentium, frigidiores exceperis patrias (16). Licet autem non summam solis efficaciam exigant plantae, ut coriarium hocce principium proferant, testibus Quercu, Tormentilla, Bistorta, aliis; tamen videtur in calidioribus terris et purius et majori copia parari; docent succus Catechu Bengalensis, Gummi Kino Africanum, praeprimis Gallae, quarum Alipenses majores reliquis magis adstringentes. Sunt quoque Physici, qui amaritiam quamdam, quam nonnullae plantae continent insignem, habent principium peculiare a caeteris diversum, quodque dicunt purissimum fieri in Quassiae ligno, Lupuli lupuli foliis, Gentianae radice (17). Inhaerere saepius amaritiam fortissimam plantarum extractis novimus; interim difficile est judicare, sitne hoc principium amarum cum extractivo arctissime junctum, an vero materiae extractivae indoli propria sit haec amarities. Quid quod alii hanc amaritiam crudam coriarii principii speciei adscribunt; quot et quanta etiamnum in vegetabilium analysi sint desideranda, apparet iterum. Quidquid sit, larga manu in plantis amaritiam gignit Natura, neque excluditur regio, etiamsi frigidissima, quae non plantas gerat amaritiae insignes: docent hoc Taraxacum, Gentiana, Lichen Yslandicus; attamen amarities praevalere videtur in plantis calidiori coelo utentibus; ut ex earum lignis et corticibus apparet. Multas plantas sapore acri urente eminere novimus (18); hoc pleni sunt ranunculi, raphani, sinapi, piper album et Hispanicum: parum autem novimus quale hoc sit principium; cum variis principiis videtur sese conjungere, cum oleo aethereo, ut in sinapi, cum mucilagine, ut in Mezereo (19); neque omne hoc acre principium unius ejusdemque indolis esse, docent gustus et tactus, et quod hoc acre

in

(16) Quamvis frigidiores terrae cryptogamicis plantis plerumque didores videantur, quam calidiores; hae quoque ingentem cryptogamicarum copiam alunt: ita *Humboldtius*. „ Si d'autres voyageurs ont assuré que les cryptogames „ sont tres rares sous les tropiques, cette assertion se fonde sur ce qu'ils ne visitoient que des côtes „ arides, ou des ilots cultivés sans penetrer assez dans l'intérieur des continens. Des plantes licheneuses de même „ espèce se trouvent sous toutes les latitudes; leur forme paroît aussi indépendante de l'influence des climats, que „ l'est la nature des roches qu'ils habitent." *Geograph. des Plant.* p. 21.

(17) *Thoms. L. L.* p. 142 seq. *Grind. L. L.* p. 28 seq.

(18) *Thoms. L. L.* p. 256 seq.

(19) *Grindel. L. L.* p. 23.

in aqua solvatur, ut acre ranunculi, illud in spiritu vini, ut acre piperis Hispanici: haec materia acri uberiore sunt calidissimae regiones, eam fere ignorant frigidissimae. Principium narcoticum proprie dicitur illud quod opio inest; praeter materiam extractivam, resinosam, oleosam, acidam, mucilaginosam et glutinosam, opium ingreditur substantia haec narcotica a *Derosne* probe examinata, solida, alba, insipida, inodora, aqua gravior, crystallisabilis (20). Hoc principium videtur coelum meridionale efficacius parere, cum hac qualitate multo inferiores sint papaveres in terra minus aprica crescentes, sole largiori usis. Dicitur etiam inesse hoc narcoticum lactucae virosae et sativae; interim hoc nomine insiguntur et *Atropa Belladonna*, *Digitalis purpurea*, *Hyoscyamus niger*, *Conium maculatum*, *Datura stramonium*, *Ledum palustre*, *Nicotiana Tabacum*, *Prunus-Lauro-cerasus*. Videtur autem materies in singulis longe altus esse indolis; id testantur diversissimi effectus, sive optati, sive terribiles, quos memoratorum vegetabilium usus vel abusus edunt in corpus animale, omnium praestantissimum, quod cognosco, reagens. In tanto horum principiorum principum discrimine difficile est judicare, quae nam regio horum majorem quantitatem creet, vel efficacioris indolem; singularum plantarum venenatarum cultus diligens in diversis regionibus hoc problema potest solvere; Opponimus Papaveri Orientali, *Nicotianae*, *Hyoscyamum*, *Belladonnam*; Borealibus terris vi venenata haud difficile palmam praeripiunt Meridionales.

## §. 12.

Materies vegeto-animales, azotum continentes, parant plantae cujuscunque regionis incolae. Constat familias plantarum luridarum, ubique habitantium, prae reliquis azoto esse divites: imprimis memorandum est glutem, tenacem elasticam materiem, panariae fermentationis primum auctorem, uberrimam contineri in Cerealibus, tritico, secali, ubi vis terrarum luxuriose cultis (21); invenerunt vero hanc glutinosam materiem in multis floribus et fructibus *Proestius*, *Fabroni* et *Thenard*; quin in omnibus foliis eam se invenisse affirmat meritiissimus *Rouelle*. Praeterea expressi liquores e crambe, cochlearia, Sambuco, *Cetraria Islandica*, multisque aliis, ad fundum dimittunt, si quiescant, materiam singularem, foeculam viridem dictam; haec vero continet praeter fibrosas partes, et resinosam materiem viridi tinctam omnique foeculae virorem impertientem, glutinosam substantiam (22).

Al-

(20) *Thoms. L. L.* p. 173. *Thenard L. L.* p. 250. *Grindel.* p. 32.(21) *Thoms. L. L.* p. 120. et *van Moortin, over de Broudgisting*, p. 43 seq. *Thenard. L. L.* p. 334.(22) *Thoms. L. L.* p. 130.

Albumen etiam in multis plantis occurrit, majori vel minori solis efficacia usis; jam illustres *Scheelejus* et *Fourcroy* hanc materiem in compluribus invenerunt vegetabilibus; hanc vero aliis dotibus instructam esse albumini propriis, dein probavit *Rouelle*. Interim magnam albuminis copiam invenit (23) *Vauquelinus* in succo lacteo, Carricae papayae, plantae Americanae, tantamque albuminis quantitatem continet succus fructus Hibisci esculenti, ut depurando impuro sacchari syrupo commode posse inservire docuerit *Clarckius*. Porro in plantis calidiorum regionum incolis invenerunt Chemicis fibrinam et gelatinam; hanc enim *Vauquelinus* et *Fourcroy* detexerunt in polline Phoenicis Dactiliferae, illam *Vauquelinus* in eodem succo Carricae Papayae (24).

### §. 13.

Amylaceae materiae, quae in intimis vegetabilium quasi cellariis paratur et servatur, ut futurae plantulae constans et optimum praebeat nutrimentum, larga copia continetur in seminibus Cerealibus, ut et in plantarum radicibus, bulbis, tuberibus, et in ita dicta arborum medulla cum variis materiis conjuncta vel mixta occurrit (25). Sic in seminibus cum glutine, mucō-saccharo, oleo, in bulbis et radicibus cum mucilagine. Amylum profert omnis regio, et Borealis et Meridionalis; quanta amyli copia repleta sunt triticum, secale, solana-tuberosa, in Borealibus plagis luxuriose culta, haud raro reliquis praestantiora! Contra, quantum amyli praebent radices Orchidis masculae, bifoliae, pyramidalis, quantum medullae Palmae farinariae, et succus venenatus radicum Iatrophae Manihoc, ex quo panem conficiunt Americani. Ut vero caeterorum, sic et hujus principii non unam sed plurimas species gignit natura. Videtur enim amyllum calidarum regionum magis accedere ad mucilaginem et facilius in aqua solvi: efficitne hanc mutationem efficacius solis irritamentum? potest efficere; nam Cerealium semina et Pisa et Fabae, dum germinant, dulcescunt, et simul mucilaginosam indolem magis magisque induunt; interim hic memorandum est, Solana tuberosa gelu affecta ingratam contrahere dulcedinem, et semina Zaeae Mays, et Triticum, dum evolvuntur, mucilaginea esse et dulcia, plenius autem evoluta fieri amylacea (26).

Gum-

(23) *Thoms. L. L.* p. 133. *Fourcroy, Syst. de Chim.* tom. VIII. p. 83. *Willdenow, Grundriss der Kroat.* 5<sup>te</sup> Ed. p. 300.

(24) *Thoms. L. L.* p. 138.

(25) *Thoms. L. L.* p. 85 seq. *Thénard, L. L.* p. 183 seq. *Grindel, L. L.* p. 21 seq.

(26) *Grindel, L. L.* p. 1.

Gummi, in laxa tela vegetabilium cellulosa plerumque contentum, uberius producitur in regionibus calidioribus, ut gummi arabicum a Mimosa Nilotica aliisque mimosis (27). Pruni etiam et Cerasi gummi exstillant sub nostro quoque climate; equidem autem nullas Prunos vidi gummi emittentes, nisi quae crescebant in apricis locis; neque haec res obscura videtur; solet enim gummi emitti plethorâ, quam partim inducit generalis vasorum plenitudo, partim allatus solis stimulus, et simul affecti calorigi vis expandens, unde ex vasis ruptis effluit liquor gummosus.

Mucilago vero etsi in calidissimis regionibus haud infrequens, teste Astragalo tragacantha, uberior tamen invenitur in Borealibus plagis; recte enim *Hermstaedt* distinxit gummi a mucilagine; aquosa gummi solutio est diaphana, glutinosa, ductilis: mucilaginis vero opaca est, nec glutinosa nec tenax, verum gliscens inter digitos; mucilagine plenae sunt Consolidâ, Althaea, Malva, Lichenes, ut Pulmonarius, Islandicus, Fraxineus. Materia dulcis, vel saccharum, in omni regione producitur; differt tamen in variis regionibus sacchari copia, indoles et cum aliis principiis copula; rarissime in frigidarum terrarum plantis purum occurrit saccharum, arcte vero junctum cum materia amylacea, mucilaginea, extractiva; contra Meridionales plantae plenae sunt purioris sacchari; quam facilibus artificiis ex arundine saccharifera, in utraque India sponte nascente et culta, et ex acere saccharino, larga sacchari copia paratur (28): quodsi hae arundines et acera in calidis etiam Europae regionibus debita cura colantur, nondum tamen purum praebent saccharum. Docuerunt id egregie, ni fallar, praeclara *Bermondii* experimenta, qui colebat arundinem apud Nizzam (*Département des Alpes maritimes*) (29); excrescebat fere arundo ad eandem altitudinem, ad quam Americana, sed proferebat saccharum non crystallabile, verum mucilagineum. Aceris saccharini cultus in Gallia non feliciores fuerunt: praeterea invenit ill. *Proestius*, quo pleniori sole uvae fruerentur, eo plus purioris sacchari has proferre; in plagis Europae Meridionalibus, Hispania, Gallia, facile ex uvis saccharum potest colligi, quod ex uvis in Borealibus plagis, Germania, Hollandia crescentibus, nullum valet artificium separare.

Num vero huc referri meretur observatio a *Labillarderie* facta, docens Palmae fariariae liquorem interdum saccharinâ materiâ ditiozem, quam nocu? (30).

Novimus quidem in calidissimis regionibus saccharum comitari multam mucilaginem,

et

(27) *Thoms. L. L.* p. 55. *Thenard. L. L.* p. 189. *Gründel. L. L.* p. 14.

(28) *Thoms. L. L.* p. 15 seq. *Thenard. L. L.* p. 158 seq. *Gründel. L. L.* p. 22.

(29) *Allgemeine Chem. Biblioth. des 19. jahrhund. von J. B. Trommsdorff*, 1ste band. 1ste stück p. 138.

(30) *Sanctier. Phytol. Veget. tom. V.* p. 297.



et extractivam materiem, sed tum tanta harum copia repletæ sunt plantæ, ut haud raro mellitus liquor stillat; qualis insidet foliis multarum *Quercuum Orientalium*, *Ficuum*; qualis ex *Fraxinorum*, præprimis *Orni*, ramis et trunco, in Calabria, sub titulo *Mannæ*, mensibus Junio Julioque magna copia *sponte* stillat: quantopere gratissima dulcedinæ Meridionales fructus superant Boreales! Denique *Achardius* observavit, tenebras prodesse sacchari origini in plantarum radicibus, lucem vero eidem favere in fructibus. Quam observationem confirmant fructus, quorum dulciores in Meridionalibus regionibus, et radices, quarum dulciores in Borealibus inveniuntur, ut *Denicus-carota*, *Beta vulgaris* et *Apium-petrosekinum*.

## §. 14.

Oleosi vel pinguis principii uberrima copia occurrit in plantarum seminibus, præprimis *Dycotyledonibus*, et gignitur in omni regione. Notandum est, semina ante maturitatem saccharo, mucilagine, amyloque plena, dum maturuerint, pinguis fieri. Nux *Cocos* immatura saccharina est, matura pinguis fit: apes ex florum nectariis saccharinam sugunt materiem, dein deponunt ceram (31). Forsitan hæc pinguedo, præter alios usus, quos plantulae evolvendae præstare debet, eam quoque corculo et plumulae adfert utilitatem, ut cum malus omnino sit calorigi conductor, amicissimum molli vitæ caloricum conservet. In omni regione Oleum produci diximus; sic Oleum *Olivarum* ex olea, arbore *Europæ Meridionalis*; *O. Amygdalarum* ex arbore *Africæ*, *Italiæ*, *Galliæ*; Oleum *Ricini* ex *Cataputia majori*, annua planta in insulis *Indiæ* utriusque, in *America Australi*, *Africa*: et contra proveniunt olea ex seminibus *Cannabis sativæ*, annuæ plantæ *Europæ Borealis*, et *Lini* et *Sinapi*, *Brassicæ-rapi* et *campestris*, *papaveris*, multisque aliis. Memoratu dignum videtur, quod oleum solidius, dictum *Butyrum vegetabile*, præ cæteris inveniatur in plantis calidiorum regionum. Ita *Butyrum Cacao* inhaeret, sub formâ pulpæ albidæ, cortici carnosæ fructus ovati *Theobromæ Cacao*, arboris *Americæ* calidioris, et *Butyrum Mosschatae* nucibus *Myristæ mosschatae*, arboris insulæ *Bandæ* inter *Molluceas* celebris: quam observationem confirmat *Cera*, a *Butyro vegetabili* non nisi pauxillo oxygenii diversa; quæ cera late quidem dispersa est per regnum vegetabile; ingreditur enim, probante *Proestio*, foeculam plurimarum plantarum, pollen florum, multarumque arborum foliorum superficiem sub facie splendente. Pleniori tamen luce collustratarum regionum nonnullæ plantæ cera adeo sunt divites, ut in usum oecono-

mi-

(31) *Griseb. L. E. p. 36.*

micum collectam ceram adhibeant incolae, quod facere Chinenses constat. Sic ex Myrica cerifera magnam cerae copiam legunt Americani; itidem cera inventa est in Myricis angustifolia, latifolia, cordifolia (32) magnamque copiam detexit *Humboldtius* in pulchra arbore Ceroxylo-Andicola (33).

## §. 15.

Oleum aethereum, olim aroma dictum, habetur in quibusvis plantarum partibus, in seminibus, capsulis, corticibus, foliis, radicibus, petiolis, lignis. Hoc carent plagae quam maxime Boreales, habent id temperatae, eoque abundant calidissimae: in nostra patria laete crescunt Menthae et Cripa et Peperitis, Foeniculum origanum, Hyssopus, Melissa, aliaeque plantae aromaticae; verum constat, in terris, quas sol collustrat, plenis radiis, plantas secernere, oleum aethereum gravitatis majoris, odoris fortioris, saporis acrioris, quales secernunt Citrus medica et Orantium, Cinnamomum, Caryophyllata, Cuminum cynimum, Culilaban, Cajeput, innumeraeque aliae quas utraque India, cunctaque meridionalis regio Africae et Americae proferunt. Hinc harum fructuum, seminum, corticum vires reficientes, calefacientes, incitantes proficiscuntur. In calidioribus regionibus nascitur etiam Camphora, cum oleis aethereis satis conveniens, attamen, docente *Neumanno*, ab iis revera diversa. Producitur a Lauris, ut Cinnamomo Sumatrensi, praecipuis Camphora, in India Orientali frequente. Attamen et parva hujus materiae copia inest in oleis aethereis plantarum diversarum regionum sic e. gr. in iis, quas profert patria tellus, Mentha Peperitide, Origano Majorana, Salvia Officinali, sic et in Oleis Cardamomi Ceylonensis, Zingiberis Orientalis, et Lauri Cassiae Indicae (34).

In qua ratione butyrum vegetabile et cera sunt ad olea fixa, in ea est Resina ad olea aetherea, ab his non nisi pauxillo oxygenio diversa. Ut haec vero gignuntur plurima et efficacissima in terris, quae lucem efficaciorē experiuntur, ita resina praecipuis. Videtur autem resina vegetabilis materies quam maxime elaborata; quare non invenitur nisi in iis vegetabilium organis, quae humores accipiunt per vastum vasorum et glandularum numerum jam circumlatos; folia sunt et corticea, quae resinam parent; sic Mastichen Pistacia Lentiscus, arbor insularum Archipelagi, Elemi, Amyris Elemifera, arbor Orientalis, Quimen-resinam Hymenaea Courbaril incola Americae Australis, Tacama-hacan,

Fa-

(32) *Thom. L. L. p. 192. Thonard, L. L. p. 241. Griseb. L. L. p. 32.*

(33) *Plantes Equinoxiales, par Humboldt et Bonpland, Tom. Premier, Paris 1808. p. 1-2.*

(34) *Thom. p. 193. Thonard, L. L. p. 244. Griseb. p. 35. Willdow, L. L. p. 304.*

*Fagara Octandra* Americae calidioris indigena, Labdanum cistus creticus, frutex Candiaer exsudat tamen resinae species ex Pino Sylvestri et Abiete, arboribus frequentissimis in sylvis Borealibus: praeterea gemmae tutissima hybernacula caudici adscendenti insidentia, praeter plures, quibus constant, squamas et pulcherrimam, quasi sericeam, texturam intus circumpositam, et his armis tenerrima foliorum primordia contra frigoris injurias defendunt, ut circumdatae sint lamina materiae tenacis, digitis adhaerentis, Hyeme solidioris, Vere mollioris, quae materies penitus resinosa est; resina vero pessimus est calorigi conductor; observavit vero *Linnaeus* plantas plerasque in frigidis terris ejusmodi gemmis esse instructas, quibus carent fere omnes in calidis regionibus. Denique ingreditur omne folium resinae quaedam species viridis coloris (35). Earundem regionum quoque producta sunt ita dictae Gummi-resinae, quas tamen experimenta aliquot non eas esse probant, sed potius habendas esse copulam materiae extractivae vel Gummosae cum oleo aethereo et resina, vel cum materia quasi intercedente inter resinam et oleum aethereum. Quidquid sit, nescio an ejusmodi materia umquam inventa sit in Borealibus terris; plures vero novimus proferre Indias et Americam; sic Galbanum parat frutex Arabiae, Syriae, Indiae orientalis, Ammoniacum Africa, Aloë frutex Indiae, Assam foetidam Persiae planta perennis, Sajapenum planta umbellata Orientalis, Scammonium Convolvulus, planta Orientalis, Gummi guttam arbor Indiae Orientalis, Guajacum profert India Occidentalis, Myrrham Aethiopia, Olibanum et Opoponon Oriens, Euphorbium frutex Africae meridionalis, Carannan Guinea, Bdellium India Orientalis (36). Eadem res est cum balsamo sive magis fluido sive spissiore, quod habetur copula resinae, acidi Benzoei, oleique essentialis; sic Opobalsamum profert Amyris giliae, densis in Arabia, Copaivae balsamum in America meridionali Copaivera officinalis, Balsamum toltitanum Poluifera in America. B. peruvianum Myroxylon in America meridionali, Styracem liquidam Liquidambar profert in America Septentrionali, Benzoea styrae in India orientali, styracem in massis Styrae in Oriente.

Eisdem quoque terris competit egregie elastica resinosa species Caoutchouc dicta; exstillat haec materies ex vulneratis *Hoevea* Caoutchouc et *Iatropa* elastica; forsitan ex aliis *Hoeveis* et *Iatrophis*, plantis Americae meridionalis; ut ex *Fico indica*, *Artocarpis integrifolia*, et *Urceola elastica*, plantis Orientalis Indiae (37). *Bucholzius* dicit se in opio invenisse hanc resinam, et contendit *Grindelius* in plantis frigidiorum regionum

(35) *Thoms. L. L.* p. 247.

(36) *Thoms. L. L.* p. 372. *Thomard, tom. L. L.* p. 230.

(37) *Thoms. L. L.* p. 290 seq. *Thomard, L. L.* p. 238. *Grindelius L. L.* p. 40.

num occurrere, sic uti in visco; quod si vero in illis occurrat, quantitas sane est exigua; in Visco inventum Caoutchouc ea forsitan habenda est materies a *Vauquelin* investigata, in Robinia viscosa Lichici viscaria, sub titulo Glu (38).

Principium fibrosum, plantarum quasi skeleton constituens, flores, fructus, radices, folia, ramos, praecipue truncum ingreditur, omnique regione facile producitur. Difficile est de materia colorante disserere; qualis enim sit nondum probe novimus. In eo autem plurimi Chemici consentiunt, esse in plantis materiem quamdam, a qua proficiscitur varius harum partium color, neque tantum esse unam speciem, sed multas variis proprietatibus a se invicem diversas (39). Est autem nondum eo perventum, ut haec materies a reliquis principiis adhaerentibus habeatur depurata; scribit ipse *Thenard* etiamnum tres esse materias colorantes, quae purae existant; eae sunt 1) Indigo, 2) ea materies, quae ex Hoematoxylo Campechiano trahitur (Hematine) et 3) quae paratur ex Carthamo tinctorio (*couleur rouge de Carthame*) (40). Enarrant proprietates quasdam, quae competere videntur materiis colorantibus (41). Cum itaque de ipsa materia multum sit, quod ignoramus, difficile est dijudicare, quid variae solis vires in eam efficiant; constat autem in illis regionibus, quas lux amplis radiis collustrat, colores fieri pulchriores, ditiores, vividiores, eosque imminui in regionibus Borealibus.

Itaque vidimus, alia esse principia magis propria Meridionalibus, alia Borealibus, horumque principiorum quantitatem et indolem, cumque aliis materiebus copulas, esse diversas in diversis regionibus. Id vero non ita acceptum volumus, ac si omne principiorum memoratorum discrimen adscribamus majoribus minoribusve a sole praestitis viribus. Contra non est cur negemus, ejusmodi materiei vegetabilis discrimini efficiendo suas partes posse conferre diversum solum, diversum aëra, diversam humiditatem, a rore, pluvia, aut ejusmodi aliis oriundam (42); suspicamur omnino, cuncta haec, si vel copia vel indole differant, varia ratione in vegetabilium structuram agere, quare etiamsi nobis persuasum habeamus, maximum principiorum discrimen oriri a viribus, quas diversas diversis in terris sol praestat, nobis tamen cavemus a vaga et dubia conclusione. Hanc rem percipimus non posse dirimi aut ad liquidum perducere, nisi et plures plantae et in quibusvis regionibus examini chemico subjiciantur, et ubivis fiant pericula, exoticas plantas sub iisdem, quan-

tura

(38) *Thoms. L. L.* p. 212.

(39) *Fourcroy, Syst. des concrets. Chim.*, tom. VIII: p. 50 seq. *Thenard, L. L.* p. 202.

(40) *Thenard, L. L.* p. 291.

(41) *Thenard, L. L.* p. 291 seq. *Fourc. L. L.* p. 54 — 62.

(42) *G. Prolik, Observ. de defoliation cact.*, p. 59 — 61.

tum fieri potest, conditionibus, quas singulae in sua patria singulas experiantur, colendi. Quorum plantarum, examine chemico suscepto, inventa principia, horumque et quantitas, proprietates, mutuaeque cum aliis materiis copulae debent conferri cum iis in natali earundem plantarum solo repertis; hanc habemus veram viam, qua pateat, quid sol praestet plantis, quid caeterae conditiones, et qua procul dubio chemica vegetabilium scientia plurimos faciat progressus, simulque haud spernenda forsitan adferantur emolumenta rei oeconomicae. Sane dolendum est, earum etiam plantarum, quae extra suam patriam late pervagantur, in dissitis terris crescunt et haud raro lacte coluntur, rarius analysin esse susceptam, huiusque eventus esse comparatos cum iis, quos in sua patria eadem indagata vegetabilia dant. — Superest jam alia difficultas, qua hocce caput premitur. Sunt nimirum Physici, qui fatentur quidem, principiorum vegetabilium proximorum varietatem in diversa regione esse diversam; hanc autem opinantur derivandam esse a calorico, quod sol spargit majus minusve in varia telluris regione. Equidem nolo detrudere calorico insignem efficaciam; contra affirmo, vires calorici, ut magnopere in fossilem materiem, ita multo magis valere in vegetabilem, et incredibiliter varia ratione incitare et moderari diversissimas plantarum vires; verum talis videtur Lucis natura, ut eam comitetur multum calorici, in ipsa Lucis materia forsitan ligari, lucemque deserentis corporum terrestrium contactu. Praeterea nescio, quanam argumenta probent, insignes principiorum vegetabilium mutationes non lucis materiem inducere sed caloricum (43).

Ducimus operae pretium perscrutari, qualis sit chemica plantarum indoles in altis montium cacuminibus crescentium, quorum dorsum et latera constat excipere materiam lucis solaris, dimittere vero solis caloricum; quae experimenta majoris forent momenti clariusque hanc quaestionem illustrarent, nisi obstaret, quod istiusmodi plantae montanae utantur aëre rariori, leviori, nimisque frigido.

Liceat hic adjicere *Humboldtii* verba: „ La lumière du soleil et des astres s'affoiblit „ dans son passage par l'air Atmosphérique. Cette extinction de la lumière dépend de „ la densité des couches d'air; elle est par conséquent plus faible au sommet des hau- „ tes montagnes, et plus forte au niveau des mers. Dans le calcul de la table sui- „ vante on n'a pas eu égard aux vapeurs, qui accidentellement se trouvent repandues „ dans l'air. On a considéré le phénomène de l'extinction de la lumière tel, qu'il se „ présenteroit dans un air transparent et dans lequel l'eau est parfaitement vaporisée. „ La grande transparence de l'air sous les tropiques fait que même a égale hauteur

„ la

„ la lumière y est plus vive ou moins affoiblie qu'en Europe. Combien ne se sent-  
 „ on pas fatigué de la grande clarté du jour aux Indes, même dans les heures où le  
 „ réfil ne paroît pas, et il seroit intéressant d'examiner ce phénomène par le photomètre  
 „ de *Leslie*. Ce moindre affoiblissement de la lumière dans l'atmosphère des Tropi-  
 „ ques se manifeste aussi d'une manière bien frappante dans la lumière, que la Lune to-  
 „ talement éclipsée renvoie vers la terre; lumière qui est due à l'inflexion des rayons so-  
 „ laires par l'atmosphère terrestre. Dans les zones tempérées l'air est quelquefois si  
 „ dense, et si rempli de vapeurs, que le disque de la lune disparoit entièrement. Mais  
 „ sous le 10. degré de latitude boreale l'atmosphère est si transparente que j'y ai vu  
 „ la clarté de la lune éclipsée paroître presque aussi vive que c'est la pleine lune  
 „ chez nous, lorsqu'elle commence à s'élever sur l'horizon.

„ Il est connu que la lumière influe puissamment sur les fonctions vitales des plan-  
 „ tes, surtout sur leur respiration, sur la formation de la partie colorante, qui a un  
 „ caractère résineux, et selon *Berthollet* sur la fixation de l'azote dans la fécule. Ces  
 „ considérations nous laissent soupçonner avec raison que la grande intensité de lu-  
 „ mière, à laquelle les végétaux sont exposés sur la cime des Montagnes, doit contri-  
 „ buer à leur donner ce caractère résineux et aromatique, que nous présentent un grand  
 „ nombre de plantes Alpines.” (Vid. *Voyage de Humboldt et Bonpland*, première Partie.  
 Premier Volume, 1807. *Tableau Physiq. des régions Equatorial.* p. 104 seqq.)

---

## C A P U T T E R T I U M.

QUODNAM DISCRIMEN INTERCEDAT INTER PRINCIPIA VEGETABILUM  
 PROXIMA, QUAE GIGNUNTUR IN UMBRA ET TENEBRIS?

### §. 16.

**I**taque non una hæc instituta comparatio satis clare illustrat propositam quaestionem;  
 superest, ut indagemus, quasnam mutationes subeant plantae in umbra crescentes,  
 quas

quasnam in tenebris profundis. Haec vero indagatio haud paucis premitur difficultatibus, quarum plurimas ex parum elaborata multumque imperfecta plantarum analysi proficisci arbitramur. Si quis enim hanc illamve rem illustratam velit, ideoque cum alia comparet, haec res, quacum confertur, debet esse certa, clara, manifesta; nobis igitur, qui, quales sint Lucis vires in plantas, tentantes, a Luce vegetabilia orbamus, debet esse nota et perspecta eorundem vegetabilium indoles, secundum suam Naturam viventium, almaque luce fruentium; haec vero eorum indoles obscura est et latet; quam si quis velit clariorem, vinculisque quibus tenetur liberatam, eam ingrediatur viam, quam servat Natura semper late patentem, nempe indagandi, majorique diligentia et studio, quam quibus tractata sibi videatur, plantarum analysin suscipiat. Praestantissima vero quorumvis optimorum Chemicorum opera perlegenti non apparet, Chemicos, dum variam singulorum principiorum naturam cognoscere studebant, faciliori usque et breviori methodo, experimenta instituisse in eas plantas, quibus principia quaerenda vel majori copia vel puriora inhaerebant; rarius autem plenam dedisse analysin integrae alicujus plantae, exceptis paucis Muscis et Lichenibus, reliquas perfectiorum plantarum gentes parum illustrantibus. Ad hunc examinatarum plantarum defectum, accedunt ipsius, qua hocce caput debet niti, analyseos defectus. Nam primo dubitamus, num plantis ita dicta principia proxima talia inhaereant, qualia ex iis separat quibuscumque artificis varia analysis. Quod si his principiis mutationes etiam leves inferat analysis, quid, quaeso, scimus de integra planta, quid de ejus naturali principiorum proximorum sede et indole? in periculo versamur, ne falso concludamus. Haec vero observatio simul docet, id quod et gravius urget, quam levis nimirum et mutabilis sit horum principiorum natura, ut haec diversis adhibitis reagentibus diversam indolem induere intelligamus. Dein plurima plantarum principia proxima nonnullas admittunt quasi modificationes; servare haec videntur dotes genericas, accipere tamen aliquot proprias. Quas principiorum species ut plures facillime gignit organica fabrica, ita has difficulter perspicue distinguit ars Chemica; hinc fit ut inter auctores, licet omni fide dignissimos, rari sint consensus, ubi hos expectares certos; haec fuit difficultas quam in plantarum analysi gravissimam me fuisse expertum fateor. Sane et haec analyseos pars ulteriori examine, licet difficili et taedioso, non indigna videtur. Tertio, desunt ea reagentia et auxilia, quae non tantum principia sapore et odore maxime a se invicem diversa, sed et unius ejusdemque principii species, accurate et prompte monstrent. Quid, quod plura sunt, quae in varia principia agunt non dispari ratione. Quales vero et quanta molestiae inde analysi exoriantur, facile perspicitur; quisque enim, qui plantarum analysin vel leviter tetigit, haud ignorat, rarissime vel numquam plantarum fabricae tan-

tum

tum inesse unum vel duo principia, sed plura simul, et haec varia ratione inter se mixta et arcte juncta. Exemplo rem illustrem. Quam analogae ratione agunt inter reliqua reagentia prima, solutiones metallicaee in materias extractivas, amaras, coriarias, in mucilaginosas et gummosas, in albuminosas et glutinosas! Quot interim sunt quasi gressus et gradus, quibus nonnulla principia quam proxime ad se invicem accedant, ut ubivis, sic in vegetabilium fabricis principiisque quibus constant proximis creandis! Non voluit Natura rudem saltum, sed transitus quasi insensibiles, quibus delectatur structura organica seseque supra fossilem materiem effert; pronum igitur est colligere, haud levis esse momenti, in integram plantam vel in integram aliquam ejus partem experimenta instituere. Denique videtur in *Analysi vegetabilium* instituenda gravis aliquando irrepsisse error; nimirum factum est, et etiamnum fit, ut vix ratio habeatur sedis singulorum principiorum naturalis: quod si concedamus, plantarum fabricam multo esse simpliciorum, quam quod suspicati fuerint principes inter veteres Botanicae rei anatomicos; perspicue tamen monstrasse fatemur recentiorum experimenta et observationes, per omnem plantam non esse eandem structuram, sed diversis organis diversam: quod si ea saepe omittatur annotatio, qua peculiarium organorum peculiaris usus deducitur, recte tamen is concludit, qui variis etiam plantarum partibus variam agendi normam adscribit; nam qua animalia, eadem lege vegetabilia teneri voluit Natura; quod quodvis vas continens contentam materiem elaboret, perficiat, varie mutet, atque ideo hinc resinam, illic saccharum vel mucum, secernat; plane uti non ubique ex sanguine vas animale secernat salivam, bilem, urinam.

Quis vero chemicae bilis scientiae cupidus ita et suo ingenio et arte quam tractat abuteretur, ut simul omne hepar cum adhaerente vesicula examini subiceret? Quis ex ista agendi ratione veram bilis cognitionem speraret? Iste tamen error in exponenda vegetabilium *analisi* saepe committitur. Coquitur in aqua, aut quovis alio menstruo solvitur tota plantae radix vel truncus; (aliquando integra planta extrahitur mucosaccharum, aut gummi-resina, aut balsamum, quae postea narrantur et scribuntur memoratae plantae vel trunco vel radici inesse. Quantus interim hic latet error! Potest enim cortici inhaerere resina, oleum aethereum, acidum Benzoicum, ligno gummi et saccharum, quae omnia vel coctione, aliisve adhibitis encheirisi et menstruis, e sede sua expulsa, dum in mutuum attractum ruunt, singula novam chemicam ineunt copulam. Confitemur, esse aliquid, in parvis, teneris, arcte junctis, plantarum partibus ita separare teneriora organa; attamen videtur operae pretium, ad hanc rem accuratius attendere, praepremis si agatur de invenienda et demonstranda veriori et perfectiori plantarum *analisi*. Monemur saltem



ut nos simus in concludendo cautiore, ne plantis adscribamus principia vel horum cum aliis copulas, quae numquam a natura acceperunt.

Hae sunt difficultates, quae ut quemvis analysin vegetabilium vel suscipientem, vel elaborantem, multum impediunt, ita me maxime tironem; arma enim, quibus memoratae difficultates oppugnari aut vinci possint, existimamus multam postulare subtilitatem et exercitium dextrum, quibus cum probe sciam me prorsus esse destitutum, pedem referre fere decreveram, peritiori cuique hoc opus relicturus; ad pergendum tamen impulit me dulcior spes, benignos iudices non prorsus fore improbaturos juvenilem qualemcunque meum laborem; impulit ipsius quaestionis et jucunditas et utilitas, quas inde me percipere arbitrabar.

### §. 17.

Mox vero intellexi, duas hinc patere vias, scilicet caudicem descendentem vel radicem luci exponendi et caudicem adscendentem luce orbandi. Non enim sufficit indicasse, quatenam principia contineat radix, quae luce non fruitur, quatenam caulis, qui lucem appetit; nam primo radiceis structura non est aequalis ei caudiceis adscendentis; deinde hinc experitur praeter lucem aëra atmosphaericum, illa e contrario humum; accedit quod vix sint principia proxima, quae, licet plerumque in caudice adscendente occurrant, non in nonnullarum radicibus inveniantur. In radices pauca institui experimenta, harum enim nonnullas, cum luci exponerentur, saepius vidi oppressas inimico lucis irritamento, mox languide pereuntes; vel alias observavi, praecipue cum aetate majori jam aliquam contraxissent rigiditatem, vix adfici lucis irritamento, suamque fabricam pene servare, amissa tantum aliqua succorum plenitudine, externaque faciei confatis texturae fibrosae instar siccitate et rigiditate; alias inveni ipsam lucem appetentes, quales sunt radices, quae dicuntur repentes; alias denique reperi radices, cum suis radiculis et fibrillis sustentasse lucis vim, eaque pedetentim esse conversas in caudicem adscendentem, omniaque ea phaenomena principiaque proxima exhibuisse, quae praebere solent ipsarum caudiceis adscendentibus. Quarum mutationum ne quis existimet praeter lucem in causa esse aëra atmosphaericum. Plantarum enim radices, quae aut pereunt aut mutantur luce, dum versantur in tenebris eadem manent inque iis bene ferunt aëra, quin hic si humidior sit accrescunt; observavi saepe ad fossas arborum laete viventium radices nudas, nulla humo sed multa graminum, juncorum, aliarumve plantarum, umbra tectas, adeo ut lux acceretur, aër vero accederet; has autem radices inveni laete vivere et crescere.

Itaque praecipue debemus attendere ad caudicem adscendentem, cujus mutationes jam vide-

debimus. Forma, quam habent plantae in umbra crescentes, differt magnopere ab ea, quae plantis naturalis est. In umbra nimirum plantae altius crescunt, in longitudinem expanduntur et cormus et rami, petala et folia, decrescente horum omnium latitudine, angulos quoque, quos rami faciunt cum cormo, observavi acutiores fieri, neque ipsa radix, radiculae et fibrillae intactae sunt; fiunt autem solitis longiores, teneriores; unde fit ut tallium plantarum forma mirabiliter mutetur. Inducitur autem haec mutatio, quod vasa quaequae sint, quae potissimum vegetabilem aequae atque animale efficiunt compagem, teneriora fiunt et minora; unde facile colligitur, omnem plantam elongari et mutari, cum structurae internae numquam non respondeat forma externa. Saepe vidi plantas sub dumis et sentibus crescentes, quae inferiorem sui cormi partem tectam habebant iis dumis et sentibus, superiorem vero liberam; simul autem observavi, hanc habere solitam naturalem formam, petala fortiora, crassiora, folia pulchriora, latiora, illius vero formam esse tenuiorem elongatam, cum foliis et petalis elongatis. In umbra fiunt flores minores, eorum color flavus praeprimis solet esse constans; odorem interim spargunt minus suavem et fragrantem, fructus sive pomum, sive baccae, sive alius formae, minores sunt, elongati, haud raro monstrosi. Constat autem diverso stimulo affecta, vel et mutata fabrica, mutari vel et agendi normam; id quod hic affirmant praecleara documenta; in umbra enim plantae fere nullum gas oxygenium exspirant, neque aquam; multum minuitur absorptio acidi carbonici et aquae; pergit tamen aquae absorptio per radicem; unde fit, ut ejusmodi plantae, debilitatis tono et irritabilitate, aquoso latice repleantur et Hydropicae fiant.

## §. 18.

Principium saccharinum in nostrarum plantarum fructibus praeprimis evolvitur; quamobrem fructus persicae, fragariae vescae, ribesiorum quorumvis, rubi idaei, pyrorum, cerasorum, examini subjeci. Hos enim fructus constat habere praeter alia gratissimam dulcedinem, et continere multum sacchari. Observavi autem, quo magis hi sole fruantur, eo majorem saccharini principii copiam eos parare, eo hos gratiores nostro palato fieri: observavi simul easdem has plantas et arbores, sanas quidem, sed in umbra crescentes, licet ab omni ventorum impetu et frigore probe tectas; inveni autem harum fructus non tantum palato nostro minus placere, sed succo dulci et refrigerante, quo pleni solent esse, fere omni carere, eique succedere saporem ingratum, fatuum. Cum tallium fructuum textura solita saepius siccior evadat, ex persicae, fragariae, ceterisque memoratis fructibus, expressorum liquorum copia non magna erat, quorum dulcedinem

et viscositatem inveni solitis minorem. Est autem in his fructibus saccharinum principium arcte junctum cum mucilaginoso, quocum format muco-saccharum: hanc vero mucilaginem, in aqua et nostra saliva facile solubilem, mihi constitit in umbra etiam minui, magisque accedere ad quamdam amylaceam speciem; in fructibus persicae, pyris qui in umbra accreverant et maturuerant, haud raro vidi texturam quasi granulosam, qualem habent bulbi et semina amylo plena: hanc texturam comitantur siccitas et ingrata fatuitas. Est autem in his fructibus neque amyllum neque mucilago; videtur quasi memorata materies inter illas duas medium tenere; in amyli coctione, cum acido sulphurico, obtinet coctionis quasi periodus, in qua amyllum in similem materiem vergit. In fragariis vero, ribesiis, uvis, loco muco-sacchari, quo naturaliter plenissimae sunt, inveni aciditatem, variis acidis ut oxalyco, malico, citrico, compositam, quae aciditas aliquando tantopere in iis augetur, ut vix contineant nisi acida, quae solutam habent aliquam mucilaginem. Videtur autem aptissima umbra, quae in plantis aciditatem gignat. Jam observavit summus *Linnaeus*, plantas in umbra crescentes aliquantum aciditas evadere (1); neque hujus aciditatis causa videtur latere; quaelibet enim vegetabilium acida constant Hydrogenio, Oxygenio, Carboneo; plantis etiam in umbra adferuntur aqua et carboneum, licet minori quam solet copia, cum per folia, tum per radulas; cessat vero gaz Oxygenii exspiratio, quo fit, ut retentum Oxygenium abnormali et insolita ratione cum caeteris principis remotis copulet, lucis defectu, debilitata planta; quam conjecturam confirmat *Chaptallii* observatio, qui invenit byssos in tenebris multo majorem acidi carbonici copiam exhibere, quam quae sole fruebantur (2).

#### §. 19.

Si baccae maturae ribesiorum exprimuntur, sibi que relinquatur liquor expressus, fundum petit coagulum, Gallice *Gélée* dictum, quod aqua lotum constituit materiem tremulam, tinctam colore fructus, in aqua frigida vix solubilem, facile vero in calida, ex qua, frigescent, iterum cogitur. Haec gelatinosa materies, quae inest fructibus et baccis Meridionalium Borealiūque regionum, ut citris, aurantiis, ribesiis, si chartae emperetionae immittatur, de se dimittit acida, quaeque contineat, purius constituens coagulum, quod rursus lotum et exsiccatum plurimas habet gummi proprietates, quare nonnullis

(1) *Smollet, Physiol. Pogg.* tom. V. p. 183.

(2) *Smollet, L. L.* tom. IV. p. 286.

suspiciantur, quod haec gelatinosa fortasse vix materies alia sit, ac gummosa aut mucilaginosa acidis soluta (3), praeprimis cum constet, quam facile gummi solvant acida. Observavi autem, baccas ribesiorum, si in umbra crescant, et fieri minores et minorem continere quantitatem hujus principii gelatinosi, atque ex iis expressos succos cum saccharo praebere minorem copiam ita dicti Rob; neque hoc inde oritur, quod ejusmodi baccæ minus sunt succosae; aliquando enim fit, ut sint solito pleniores succis, at acidis: in parando autem Rob additum saccharum enim quoque praestat usum, ut aquosas partes absorbeat, quae si majori copia adsint, solita addita sacchari quantitate non omnis absorbetur aqua, neque datur aña, ut gelatina cum saccharo cogatur in Rob; quod si augenda sacchari copia, vel longiori coctione, id vitium corrigere studeas, nihil proferis; accidit enim, ut ex tali Rob parumper superabundans saccharum in crystallisationem ruat, multum sacchari secum trahens, unde habes Rob omne decompositum, longiori vero coctione perit gelatinosum principium. Praeterea mucilaginosum principium aliquantulum mutatum et diminutum inveni in foliis malvae, lamiorum, althaeae; aqua enim cocta cum his foliis minus tenax et viscosa erat, quam solet esse. Amylaceas partes vidi in umbra non multum mutatas, aut copia minutas, ut observavi in cerealiibus; constat etiam muscos, qui crescere solent in locis obscuris et humidis, continere multum materiae cujusdam amylaceae. Alia res est cum glutine, materia illa vegeto-animali, cujus largam copiam continent cerealia: profecto haec in umbra minuitur, unde etiam fermentatio panaria talium cerealium non ita recte procedit. Non opus est memorare, quàm rarissime ipso anno nostrae arva patriae benignis et saluberrimis suis radiis solis collustraverit. Noxium lucis defectum experta sunt cerealia; panem enim dederunt et quantitate et valore minorem; id vero putamus praeprimis ortum esse ex mutata glutinis indole ejusque imminuta copia; cum gluten sit materies, quae multo majorem exigit elaborationem quam amyllum. Dicit etiam *Sorleberius*, semina regionum Meridionalium facilius in fermentationem ruere quam Borealia (4). Anno lapso (1816) foenum etiam fuit pravae notae, fermentationis principio, quod videtur utilissimum et necessarium, ut a ruminantis ventriculo foenum bene digeratur, vehementer resistens; unde factum esse videtur, ut lapsa hyeme, qua istud foenum ruminantibus datum est, grassati fuerint pessimi vaccarum morbi hepatici et gastrici, et in nonnullis nostrae patriae regionibus ingens inter vaccas caedes edita sit; quorum morborum vires eo vehementiores fuerunt et peiores quo majorem debilitatem et torporem universalem aestas frigida et

(3) *Thom. L. L.* p. 77. *Thenard, L. L.* p. 340.

(4) *Physiol. Veget.* tom. V. p. 20.

humida, praeprimis aquis oppleta prata vaccis intulerant. Fatemur interim, nimios imbres multum incommodi et detrimenti et gramine et cerealibus induxisse.

## §. 20.

In umbra videtur principium aethereum magnopere imminui. Rosas observavi in umbra multum sui odoris gratissimi amisisse. Observavit tamen *Senberius*, Narcissos in tenebris aequè bene fragrare quam in luce. Observavi vero folia mentharum, et crispae et peperitidis, multum aetherei principii in umbra perdere; nam earum folia alcoholi immisi, cui dein limpido addidi aquam, et vix ac ne vix quidem lactescantiam vidi. Praeterea constat mihi, et lapso anno parum olei aetherei ex menthis aliisque plantis aethereis officinalibus fuisse destillatione collectum; eoque majorem oleorum aethereorum copiam colligi, quo magis apricis in locis ejusmodi plantae crescant, eoque plenius ipsa aestate vigant solis radii. Egregie huc facit *Senberii* observatio, plantas docens aromaticas prae caeteris multum acidi Carbonici decomponere, et exspirare gaz Oxygenium purissimum (5). Componuntur autem olea aetherea multo Hydrogenio et Carboneo. Difficilius est de resina dicere, cum nostra patria vix habeat plantas adeo resina divites, ut ejusmodi experimentis idoneae inserviant. Hanc ob rem non nisi foliorum vegetabilium rationem habui; continent enim folia resinosam materiem viridem, a qua color foliorum viridis proficisci dicitur. Plantarum folia, quae in umbra accreverant, cum alcoholi optimo cujusvis resinae menstruo, tractavi et nactus sum solutionem parum viridem, semperque minorem resinae quantitatem continentem, quam solutio praebet foliorum plantarum, solito more crescentium.

## §. 21.

Cerae parum nostris plantis inest; observavi tamen, prunos et uvas soli quam maxime oppositas densius rore esse tectas, quam eae quae in umbroso loco crescebant vel sub foliis latebant. Est autem hic ros, observante *Proestio*, materies ceræ: in umbra oleorum pingium quantitas imminuitur quoque, ut in seminibus lini, papaveris, cannabis. De principio coriario nihil dicendum habeo, cum non habuerim plantas, quae hoc continerent, neque inveni salices vel quercus, quae crescebant in locis adeo umbrosis, ut in earum corticibus aliquod principii coriarii discrimen me de-

tec.

(5) *Physiol. Figes. L. L. p. 42.*

recturum esse suspicarer. In umbra vero minuitur principium amarum; jam observavit id *Senebrius*; in taraxaco et dulcamara, in umbra crescentibus, reperi saporem amarum multum minui et converti in mucilaginosum, fatuum. De extractiva materia non est quod disseram; nam primo sunt qui dubitent, num haec existat; dein reagentibus, quae dicuntur extractivum principium in apricum ponere (qualia sunt solutiones metallicaе, ita dictum acidum muriaticum oxygenatum) hic non fides potest haberi, cum alia ratione extractivam materiem, si existat, in umbra sese habere opinemur, quam qua solet sese habere; ita vero nescimus, utrum extractivum principium sit, quod praecipitent reagentia memorata, an vero alia materies in umbra a planta prolata; id inveni, quod extracta taraxaci et dulcamarae, quae in umbra accreverant, amissa amaritie, indole fuerint mutata.

Principium acre quasnam mutationes in umbra subeat, me latet; nam sinapi mihi non dedit semina, nullumque discrimen inveni inter folia lepidii sativi; quod in umbra creverat, et inter folia ejus quod luci fuerat expositum; cochleariam vero officinalem, affirmat *Senebrius*, in Groenlandia fere nullam habere saporem (6). Certe haud errare videmur, si principium opii narcoticum in umbra minui statuimus; ex papavere enim, quod in Oriente et Persia colitur, majori copia colligitur, quam ex papavere in sua patria magis Boreali crescente. Quid Hyoscyamo, Belladonnae in umbra accidat nescio, cum plantae, in quas animus erat experimenta instituere, perierint; attamen formationi quorundam venenatorum principiorum, quae Belladonnae et Cicutae insunt, umbra videtur favere; nam in usum medicum eligitur cicuta, crescens in umbrosis locis; ibidem efficacissima Belladonna in sylvis caeduis crescit, aliisque locis desertis, umbrosis; utriusque plantae vires cultura magnopere imminuuntur et incertae evadunt.

Colores plantarum in umbra non multum mutantur; accidit ut colores debiliores fiant; rosas vidi in umbra pallescentes, parum vero mutatos colores violarum, taraxaci, rhanunculii, crambes: caret in umbra malorum, persicorum, cortex externus colore illo egregie rubro, quasi igneo, cui succedit triste viridis; praeterea valetne id argumentum, quod multorum florum petala, dum involuero tenentur, multo minori eminent calore, quam quo fulgent involucri egressi; interim alii sunt, qui sub calice vividiorum habent colorem: mucosae, et byssi in vacuo albescunt, attactu lucis et aeris diversi colores fiunt. Materiam fibrosam inveni teneriorem in umbra, a solita porro vix discrepantem; observatum est ligna in umbra minus durescere quam in luce (7).

§. 22.

(6) *Senebrier. L. L. tom. V. p. 38.*(7) *Senebrier. Mem. etc. tom. II. p. 214.*

## §. 22.

Majores memoratis principiorum vegetabilium proximorum in umbra mutationibus subeunt plantae harumque principia proxima in tenebris. Incipiunt a germinatione. Cell. Physicorum experimenta in germinationem instituta non inter se conveniunt; nam reperit *Ingenhousz* in umbra et tenebris semina citius germinare, quam si haec lucem experiantur (8). *Ingenhousz* assentiuntur ejusdem rei pericula a *Meesio* (9), *Seneberio* (10), *Humboldt* (11), facta; mox vero objecit *Bertholinus*, minus recte conclusisse *Seneberium* et *Ingenhousz*, germinationem lucem non nocere, sed prodesse, tarditatem autem germinationis seminum luce fruquentium exinde oriri, quod solis vi multum aquae germinanti semini utilissimae evaporetur; qua aqua si semina ut madida sint et irrigata curaveris, facilius et celerius in luce germinationem inchoare semina: quibus acceptis observationibus, repetit *Seneberius* sua in germinationem experimenta, ratione a *Bertholino* indicata; nec tamen horum eventu *Bertholiniana* confirmata vidit: repetit deinde de industria *Ingenhousz* tentamina doctissimus *Coulon*, semina fassus tardius germinasse, quando eadem luci subtraheret, quae cum renovaret suadente Cl. *Brugmansio*, sua priora praeclare confirmata vidit experimenta (12). Hanc litem videtur composuisse meritissimus *Saussur*, quippe qui probavit, lumen non nocere germinationi, nisi quatenus secum ferat caloricum; ita enim exceptis solis radiis, ut semoto quasi calórico uni Luci aditus sit ad semina facilis, horum germinationem vix ac ne vix quidem impediri (13). Hic accidit, quod in exponenda physica doctrina non facile evitatur, ut ex veris factis dubia petatur conclusio.

## §. 23.

Plan t i s i n f e r u n t t e n e b r a e m u t a t i o n e s , j a m a b i m m o r t a l i *Aristotele* (14), s u m m i s q u e

*Rayis*

(8) *Ingenh. Versuch. etc.* tom. II. p. 23 — 29.

(9) *Rosier, Journal de Phys.* tom. II. p. 446 et 468, ubi *Meesii observationes*, quas Cl. *van Swinden* debemus.

(10) *Mém. Phys.-Chim.* tom. III. p. 341. Praeprim. *Physiol. Végét.* tom. III. p. 396 seq.

(11) *F. A. von Humboldt, Aphorism.* p. 90.

(12) *Diss. de mutata humorum indole in regno organico etc.* p. 21. in Annotatione.

(13) *Recherch. Chim. sur la Vég.* p. 23 etc.

(14) *Op. Om. Ed. Daval.* p. 1215. περί τροφῆς. Ἐν ἔντινι δὲ τὸ ὕγρον μὴ μόνονται ταῖς τοῦ ἡλίου ἀγλαῖς, τοῦτον διαμένει τὸ χυμὸν λεπτὸν, ἵδην μὴ χρησιζόμενον καὶ καταξηραίνεσθαι μολατὸς πρότερον· διὸ καὶ τὰ μὲν ὑπὲρ γῆς χλωρὰ πάντως φαιμένον τὸ πρῶτον ἐστὶ· τὰ δὲ κατὰ γῆς κραιώει καὶ μέλει λευκαῖ· καὶ οἱ βλαστοὶ κατὰ γῆς μὲν ἔντινι αἰεὶ λευκοί.

*Rayo* (16), *Bonneto* (17), *Meesio* (18), *Seneberio* (19), observatas et descriptas. Quod si enim planta in tenebris crescat, ceteris paribus, ejus caudex adscendens excrevit in miram altitudinem, cum ramis, petiolis, pedunculis siquos habeat elongatis, tenuioribus, filiformibus; gerit pauca foliola exigua, monstrosa, depositoque naturali colore, induit sibi, ramis, pedunculis, petiolis, foliolis, caeterisque organis, naturaliter colore viridi notatis, album, splendentem, muscoli animalis tendini simillimum: hinc fit ut ejusmodi plantae omnis forma pereat naturalis, et haec adeo mutetur, ut haud raro nullum viderim characterem superstitem, quo dignosceretur. Praeterea in tenebris plantarum pili fiunt rariores, longiores; (20) aliorum vegetabilium corolla bene formata excrevit, ut crocorum, hyacinthorum; aliorum vero corolla non valet rumpere illud involucrum, quo tenetur, ut narcissorum, tuliparum, et perit quasi in ovo pullus; est autem calix non, ut solet firmus, siccus, sed mollis, tenax; si autem corollae succurrat ars, ex disrupto involucro egreditur corolla omnem aetatem suam satis bene sustentatura; gravissima tamen functio, observante accuratissimo *Meesio*, perditur, nempe fructificatio (21); quae unde fiat ut perdatur etiamnum latet; an quod perit in tenebris naturalis ratio magnitudinis et sitis inter stamen et pistillum quae ut servetur constans insignibus armis plantas instruxit natura, vel quod stamen tenebrarum vi, amisso tono pollen vel non dimittit, vel si emittat sterile (22)? an vero quod germen pollen vel recipere non pollet, vel accepto per stilum prolifero polline, germen non bene evolvitur? an quod omnes hae causae concurrunt in istam functionem turbendam? Praeterea sunt corollae, quae in tenebris naturalem colorem servant, ut tulipae. Vidit in obscura minera Fribergensi illustris *Humboldtius* colorem naturalem servatum in corolla croci sa-

ti-

(16) *Hist. Plant.* L. p. 13.

(17) *Rech. sur les fucos.* p. 209 — 213. et 330 — 333. tab. 28.

(18) *Journal de Phys.*, 1776. p. 445 seq. tom. VII. p. 112 seq.

(19) *Mém. Phys.-Chim.* tom. II. p. 51 — 278. tom. III. p. 44 — 47. *Physiol. Pages.* tom. IV. p. 164 — 308. Vid. *Sprengel, Anleitung zur Kenntnis der gewächse*, 1ste Sammlung, Briefe 23, p. 277.

(20) *Journal de Phys.* tom. VI. p. 449 et 450. Ut vidit *Meesius* in *mentha fruticosa*, *centaurea montana*, *salveia officinali*.

(21) *L. L. L.* p. 453 — 456.

(22) Videtur pollen in obscuritate a plantis secerui; Ita *Meesius*, *Journ. de Phys. L. L.* p. 453 — 456. „La poussière des étamines se forme donc parfaitement bien dans l'obscurité, au moins quant à l'extérieur, car il faudroit faire d'autres expériences pour connoître si cette poussière est réellement fécondante.



tivi (23); observavi autem in viola colorem flavum in tenebris constantem, violaceum vero mutatum et albescenscentem: in pixide obscura vidit *Bonnetus* uvas violaceas colore mutatas, pallescenscentes; in vitrea vero non mutatas. Potestne igitur generalis conditi regula, quemvis colorem cujusvis plantarum partis in tenebris aut servari aut mutari; estne nobis jus illustrissimi *Lavoisierii* sententiam infringendi, „c'est à la lumière combinée avec la plante qu'est due la couleur verte des feuilles et la diversité de leurs fleurs (24)?” Minime videtur: facimus interim cum eximio *Bonneto*, de lucis vi in plantarum colores judicare non auso, ita monente: „Amassons sur chaque sujet de Physique le plus de faits; qu'il nous sera possible, comparons ces faits; rendons nous attentifs aux conséquences, qui en découlent le plus immédiatement; c'est la seule voie, par laquelle nous puissions espérer de parvenir à la découverte des causes (25).” Neque integrae manent in tenebris plantarum radix et radiculæ (26). Sequuntur etiam trunci ramificationem, cujus rami et folia quo magis elongata et minora in tenebris evadunt, breviores et graciliores sunt earundem plantarum radix et radiculæ. Quæ quidem pulchra observatio primo indicat, radículas et fibrillas caudici descendenti esse id, quod folia sunt caudici adscendenti; id quod affirmatur hac observatione, quod ut folia, ita etiam radiculæ, moriantur et cadant. Secundo, omnium præstantissime docet existimas lucis vires, cum etiam pars, quæ secundum naturam vivit evitata luce, si suus caudex adscendens luce careat, detrimentum capiat. Tertiò, monstrat optime intimum, quod inter plantarum partes alitur, commercium. Denique confirmare videtur, præprimis lucis stimuli vices agere.

## §. 23.

Subeunt autem memoratas mutationes plantæ tum continentis (27), tum aquaticæ: tum quæ constant systemate vasculari et celluloso, ut herbae et arbores, tum quæ dicuntur uno constare systemate celluloso, ut byssi, confervæ. Præterea, quantæ lucis

(23) *Aphorismen*, p. 125. *Journ. de Physiq. L. E.* p. 419 seq. *Messius* in *Aquilegia* vulgari colorem purpureum in tenebris non multum mutatum vidit, nec multum mutatos in rumice colorem rubrum, et sarrum in alid.

(24) *Lavoisier*, *Traité de Chim.* tom. I. p. 201.

(25) *Bonnet*, *l. l.* p. 333.

(26) *Journ. l. l.* tom. VI. p. 453.

(27) *Bonnet*, *l. l.* p. 1. *Senebier*, *l. l.* p. 1. *Journ. l. l.* tom. VI. p. 447 seq.

et tenebrarum vires sint in plantas, inde etiam apparet, quod plantae adultae, quae adoleverunt in luce, male omnino ferant tenebras, pessime harum folia; haec enim mox languent, moriuntur, cadunt et quam citissime putredine solvuntur, non aliter atque animalia, quae oppressit febris maligna putrida. Tantopere structura mutata, magnopere mutari functiones nemo mirabitur; scilicet torpor universalis et ingens debilitas omnem invadit plantam, unde fit, ut langucant absorptio et exhalatio, aqua quidem absorbetur, lente tamen; vidi taraxacum in tenebris pallidum, simul autem aqua oppletum hydropicum. Videtur etiam aliqua acidi carbonici pars ingeri, cum hoc in plantis, quae creverant in tenebris inventum sit. Parum autem aquae et acidi exhalatur; vidi guttulas aquae inhaerentes taraxaco; erat autem tali torpore correptam, ut frigeret; nescio tamen, utrum hae guttulae oriantur, quod, dum e planta expellebantur sub forma vaporis, ad frigidae plantae attactum gazosam dimiserint conditionem, an ex aëre, quo circumdabatur taraxacum, aqua ad frigidiorum ipso aëre plantam roris instar ceciderit. Vidi porro *Seneberius* aëra, qui plantam in tenebris circumdederat, aquam calcis aliquantulum turbasse. Verum, quod praecipuum est, in tenebris nullum gaz Oxygenium plantae emittunt; unde intelligimus, parum aquae et acidi carbonici plantae fabricam decomponere, et parum Hydrogenii et carbonei vegetabilium principia proxima ingredi: saepe miratus sum, in tenebris adeo exiguum esse et tardissimum plantarum incrementum.

## §. 24.

Itaque jam sequitur, multum abesse, ut principia vegetabilium proxima in tenebris eadem proferantur, quae solent esse luce accedente, ut magnopere mutantur, horumque alia plane deleantur, alia copia minuantur, aliis alia quasi succedant. Jam perscrutatus est indefessus *Seneberius*, quid acida, alcalia, alcohol, quid ignis valeant in plantas profundis tenebris plane mutatas, pallidas factas (étiolées), quorum reagentium effectus comparavit cum iis, quos eadem reagentia edunt in plantas aequales sanas, virides. Constitit autem hoc examine, plantas luci substractas plenas esse aquoso humore, et habere solidorum, quae dicuntur, compagem multo molliorem, inertiolem, ignisque ope praebere minorem oleorum empyreumaticorum, aëris fixi, alcali volatilii copiam, minorem itaque habere hydrogenii, azoti, carbonei, quantitatem, quam quas habeant plantae virides sanae. Habendi erant tempore, quo florebat *Seneberius*, hi progressus magni, ut revera habendi sunt; multum enim jam profeceris, si noctis tenebras sol oriens incipiat pellere; nam et *Seneberii* merita eo pluris facienda existimamus, quo

rariores eo tempore erant, qui in hac etiam doctrinae Physicae parte ipsius vestigia preme-  
rent. Sin autem *Senberii* laborem paullo diligentius indagemus, mox apparebit, hunc pa-  
rum illustrare eas mutationes, quas tenebrae inferunt principiis plantarum proximis.  
Scilicet plurima Hujus Physici experimenta vix aliud quid docent, quam quod aliquod  
intercedat discrimen inter plantas quae luce carent, easque quae hac fruuntur. Praeterea  
ut tum temporis mos erat, ignis est adhibitus, quo pateret vegetabilium indoles: quod  
fallax auxilium minime indicat aut illustrat, quid tenebrae et lux valeant in principia  
plantarum proxima formanda; horum enim singula destruit, in remota commutat, ex  
materia saccharina, resinosa, aetherea, expellens gaz Hydrogenium, vel merum vel car-  
bonatum, acidumque carbonicum aequae atque ex amylacea gummosa, coriaria: qua agen-  
di ratione vix incertiores cognosco, nisi adhibeatur perfectior, a *Gay Lussac*, *Thenard*,  
*Berzelio* et *Saussuria* eximie emendata (28).

## §. 25.

Paucis igitur percurramus, quid certum sit et constet de mutationibus, quas prin-  
cipiis vegetabilium proximis tenebrarum vis inferat. Princeps phaenomenon, quod  
edunt plantae in tenebris crescentes, est memorata albedo, quam Galli idoneo vocabulo  
exprimunt (*étiolement*). Plantae enim, praecipue harum folia, dum secundum suam  
naturam vivunt, habent colorem viridem, qui, ut jam diximus, habetur proficisci ex resi-  
nosa materia, foliorum parenchyma replente; haec est quam tenebrae praepimis adfi-  
ciunt, neque profertur, nisi sub alia specie. Ut omnis resinae, sic et hujus foliorum  
viridis, alcohol optimum est menstruum; est autem tinctura foliorum sanorum viridis,  
foliorum alborum flavo-albescens; prior resina multo ditior, posterior multo paupe-  
rior; in hanc dein invenit *Senberius* acida, alcalia, reliqua corpora, longe diversa ra-  
tione agere quam in illam. Inveni tamen ex taraxaco albato (*étiolé*) fere nihil ex-  
traxisse alcohol. Praeterea constat, parenchyma illud foliorum viride, praeter memora-  
tam resinae speciem, continere materiem quamdam azoticam, forsitan glutinosam. Jam  
vero observavit *Tingry*, materiem flavam foliorum luce orbatorum destillatione sicca,  
praebere multo minorem alcali volatilii copiam, quam materiem foliorum sanorum vi-  
ridem, itaque azotica substantia tenebris minuitur. Materiam lucis hunc plantarum vi-  
ro-

(28) *Thenard*, h. l. tom. IV. p. 174 — 203.

rorem inducere inde colligimus, quod lux per aliquot horas valeat solitum virorem plantis praebere, quam iis abstulerant tenebrae. Secundo, quod, si plantae cujusdam ramus vel ramulus cogatur in tenebris crescere, reliqua vero planta solito more vivat, unus tantum hic ramus ramulusve albescat, vel, quod magis est, si quaedam folii teneri pars tegatur lamina metallica, reliquum folium luce fruatur, una tantum tecta folii pars albescat. Denique, quod constat egregiis Bohemicorum Physicorum experimentis in foliis tenebrarum ope albescentibus, colorem viridem proferre Lunae lumen (29), licet hoc adeo debile sit, ut octo dierum spatium efficiat tantum, quantum duodecim horarum spatium valeat debillissima Solis lux. Quas observationes eo majoris momenti habemus, quo certius constat, nullum caloricum Lunam adferre videri (30). Merentur tamen attentionem *Ingenhouszii*, *Senebertii* et *Humboldtii*, experimenta, quae docent gaz Hydrogenium exiit habere facultatem, ut in tenebris colorem viridem conservet; observavit *Humboldtus* in obscura Fribergensi plantaginem lanceolatam, trifolium arvense, lichenem verticillatum, aliasque plantas, retinuisse solitum colorem. Inerat autem minerae gaz Hydrogenium (31).

## §. 26.

Cum meritissimi *Meassii* observationem confirmatam viderim, qua docuit, in tenebris nullam peragi fructificationem, sequitur, nos non affirmare posse, quales mutationes ea principia subeant, quae fructibus et vulgari sensu dictis seminibus inesse solet, qualia sunt amyllum, gluten, muco-saccharum, oleum-pingue, sin autem consideremus quantum discrimen inter haec principia efficiant diversae regiones majores minoresve lucis vires expertae, praecipuis quantas mutationes, ut omnibus, sic et his quatuor principiis, inducat umbra, haud temere suspicari videmur, quando auguremur, etiam qua-

tuor

(29) *Ueber die Wirkung des Mondenlichts auf die Pflanzen*, *Meyers Samml. Physik. Abhandl. der Gesell. Wissensch. Naturforscher*, B. 2. S. 339.

(30) Suspicati sunt Veteres, Lunae inherere vim exurentem: radios Lunae attribuerunt *Paracelsus* et *Helmontius* frigidos et humidos. Interim *Hoechstus*, *Le Hirius*, *Pillety*, *Tichembachius*, prebaverunt Lunam non proferre calorem. Vid. *PHistoire de l'Acad. Royale*, 1770. Et dicit *Manchenbroekius*: lux Lunae aut planetarum replicata a speculo ustorio, vel per dioptrum amplissimum convincta, et in focum parum latum densata, in quo mobilissimum stectur thermometer, nec liqorem nec mercurium ullo modo rarefacit aut condensat. Vid. *Int. in Philosoph. Nat.* tom. II § 1637 — 1639.

(31) *F. A. von Humboldt Aphorismen*, p. 118 — 122, et *Recher. Journ. de Phys.* T. 46. p. 354.

tuor haec memorata principia qualitate et quantitate a tenebris mutari: accedit, quod constet, quo saniores sint plantae, magisque vigeant, has eo majorem copiam principiorum proferre, quae solent gignere; plantas autem in tenebris quam maxime debilitari, torpere harum vim vitalem, omnesque functiones languere, aquae et exiguae acidi Carbonici allata portione, decomposita, deesse elementa quibus formantur principia ea proxima, neque expelli Oxygenium, horum formationi noxium. Hisce igitur in mediis relictis videamus, quid constet de reliquis principiis. Ut resina mutatur in tenebris et deletur, ita oleum aethereum; menthas et crispam et peperitidem in tenebris posui; teneriora folia, (nam ut solent adulta ceciderant) plane alba, fere omnem amiserant, quem sana satis fortem habent, odorem; fere nihil solvit cum iis digestum alcohol, adeo ut huic tincturae addita aqua nullam moverit lactescentiam.

Observante *Seneberio*, non cynera scolymus, nec apium hortense, nostro palato placent, nisi haec luce orbata fuerint et albedinem contraxerint; molestus est sapor ille nimis aethereus, quem sana acrem habent, ejusmodi mutationes subeunt lactucae, endivia, crambe, quibus tenebrae inferunt materiem saccharinam, mucilaginosam, facilius solvendam, et texturam fibrosam, quae solet esse rudis, palato ingratus, teneriorem et graciliorem reddunt.

Cum *Seneberio* observavi, saporem plantarum naturalem, amarum, tenebras convertere in fatuum, inertem aliquantulum, dulcem; taraxacum, omni luce orbatum, vidi alte crescens, quod inveni omnem ingratam suam amaritiam et salsedinem amisisse, cui successerat fatuus quasi mucilagineus; idem phaenomenon observavi in acetosa rotundifolia.

#### §. 27.

Cupidus cognoscendi, quales mutationes subeat haec acetosa in tenebris, eam primo posui in loco obscuro, mox in profundis tenebris, observavique post aliquot hebdomades plantulam teneram, elongatam, exiguam. Cujus fibrosam materiem expertus sum emolliam adeo esse, ut trita in aqua fere diffunderet. Sapor erat fatuus, attamen acido oxalico mixtus. Aqua calcis enim mox turbata fuit, nato albo praecipitato, oxalatis calcis; neque id fuisse carbonas calcis patet inde, quod copia major erat, quam ut tantum acidum carbonicum, quantum sufficebat ad talem praecipitationem producendam, plantulae fabrica potuerit continere; quod calefactum cum acido sulphurico nullas emisit bullulas; quod additum acidum oxalicum oxalas citius solverit.

Prac-

Præter alia principia, quæ nicotianæ tabaco insunt, eminet materies singularis, acris, volatilis, decolor, in aqua vix solubilis, plene in alcohole: quare folia tabaci, quæ in tenebris adoleverant, parva flavo-albescentia, cum alcohole tractavi; sed præter flavo-albescentem exiguam resinosæ materiæ, in omnibus foliis luci subtractis præsentis, suboculum nihil de hoc principio acri detegere potui. Similem materiam narcoticam venenatam alcohole solubilem continet Belladonna, ex cujus foliis, luce orbatis, nihil etiam de tali principio detegere potui. Denique solanum tuberosum ab una tantum parte laterali terra ita denudavi, ut plantæ dimidium laterale luci exponeretur, alterum autem latus terra adhuc tegeretur, qua ad crescendum indigebat. Erant autem tubera lucem experta viridis coloris; non tantum pars externa, epidermide detracta, splendide erat virens, sed internarum partium facies fiebat virescens. Alcohole ea immisi, quod tingebatur colore viridi, cui addita aqua præcipitatum pulverulentum dabat. Videtur itaque his accessisse materies resinosa. Porro utriusque generis solanorum 3ij examini subjeci; acquisivi autem ex iis, quæ naturaliter creverant, amyli 3ß plus, quam ex viridibus vel non naturaliter adultis. Deinde horum liquor expressus erat colore bruno-fuscus, sapore ingratus, fatuus, nauseosus; acidum muriaticum oxygenatum dabat præcipitatum fuscum; idem dabat acidum sulphuricum, nitricum vero et muriaticum præcipitatum flavi coloris. Oxalas potassæ acidum producebat lactescentiam; acidum aceticum et sulphurosum reddebant liquorem flavescentem; aqua calcis nullum movebat præcipitatum; ammonia liquida intendebat colorem; nitræs hydrargyri dabat præcipitatum bruneum uberrimum; solutiones ferreæ, fuscum; alcohol vero acidum tartarosum; tartris potassæ acidulæ, murias barytæ, nullam movebant mutationem. Horum vero sapor levior, color griseus; acidum muriaticum oxygenatum dabat præcipitatum griseum; acidum sulphuricum movebat spumam et flocculos; nitricum, albi coloris; muriaticum, griseum; oxalas potassæ acidum, turbam; aceticum, album; sulphurosum, nihil; aqua vero calcis, griseum; ammonia colorem intendebat; nitræs hydrargyri, præcipitatum griseum; solutiones ferreæ, viridescens; alcohol flocculos; acidum tartarosum, cremor tartari, murias barytæ nullam mutationem producebant. Ex quibus omnibus nonne aliquo jure possumus concludere, periisse in viridibus albuminosam materiem. — Summi *Trevirani* verbis finem huic examini liceat imponere: „Auf alle vegetation's processe hat ohne zweifel das Licht den wichtigsten Einfluss: Man täuscht sich, wenn man sich mit der Hoffnung schmeichelt, das mit der Erforschung der kräfte das Geheimnis der Vegetation ganz wird enthüllet werden.” *Biolog.* Tom. IV. p. 117 et 118.

Quibus omnibus consideratis et collectis apparet:

L

I. Lucem habere eximiam facultatem plantarum irritabilitatem diversimode stimulandi, atque ut caeteras functiones, ita quoque absorptionem, plurimum incitandi: quare, dum lux et vegetabilia ambo varie sunt composita, non eum temere concludisse censendum esse, qui contenderit, lucem quidem integram plantas stimulare, harum vero alias hanc lucis partem, alias illam, in suum usum convertere, atque inde proficisci omnem mutationum normam, a luce plantis inducendam.

II. Tenebras, quo profundiores, eo pejus corrumpere plantarum irritabilitatem, eo graviorem his inferre torporem, quin ipsam organicam earumdem fabricam vehementer pessumdare, inque monstrosam convertere, adeo ut aliae functiones langueant, sicut absorptio, exhalatio, ut plantae hydropicae evadant, aliae corrumpantur, ut secretio, nutritio, ut palleant, marcescant, aliae deleantur, ut fructificatio, ut steriles fiant.

III. Ut animalibus, ita plantis, inesse a Natura memorabilem adstuescendi facultatem, et hanc eo majorem, quo juniores aetate sunt: ut haberent quo sese potentiis nocentibus opponerent, earum insultus illuderent, noxas ab iis illatas corrigerent.

IV. In plantis inesse mirabilem organorum atque facultatum consensum atque conspirationem; neque tantum caudicem adscendentem aegre ferre tenebras, verum tunc etiam detrimentum capere caudicem descendentem, cui lux inimica est; adeo ut hujus et irritabilitas, et fabrica, et agendi ratio, morbose afficiantur: qui consensus cum non tantum in morbis illatis, sed et vigente sanitate, plantas comitetur, inde praeclare probari ex plurimis fontibus unum plantarum virium conservatricium atque medicatricium.

V. Beneficam lucis facultatem, in plantis absorptionis et secretionis incitandae, esse auctorem facilioris et celerioris incrementi plantarum, in regionibus sole plurimum colustratis.

VI. Cum plantae in tenebris vix ac ne vix quidem absorbeant acidum carbonicum, absorptum difficulter decomponent, quae in tenebris adolescant, multo minus carbonii continere plantas, quam luce usas.

VII. Cum neque in umbra, et multo minus in tenebris, aquam, acidum carbonicum, azotum, sive ex aëre haurienda, sive ex humo, in suum usum convertant plantae, his in umbra vel tenebris crescentibus principia proxima, mero hydrogenio et carbonio, vel his adjuncto multo azoto, copulata, quibus plenae sunt regionum calidarum indigenae, aut penitus deesse, aut diversimode mutata inhaerere, eo magis, quo profundiores te-

ne-

# E M E N D A N D A.

Pag.	5. Lelihe	<i>lege</i> Leslie
—	5. alii vero caloriferi	— alii vero caloriferi forent
—	17. Blackii	— Blackii
—	19. Stapelios	— Stapelias
—	20. Annot. 9. Blanhure	— Blausure
—	21. acris attactu	— aeris attactu
—	22. Tevia Catechu	— terra Catechu
—	26. Denicus - Carota	— Daucus - Carota
—	27. Quimen - resinam	— Animen - resinam
—	32. perlegenti non apparet	— perlegenti mox apparet
—	35. petala et folia	— petioli et folia
—	35. petala fortiora, crassiora	— petiolos fortiores, crassiores



1. The first group of people who are interested in the study of the history of the United States are the people who are interested in the history of the United States.

1. The first group of people who are not in the labor force are those who are not in the labor force for any reason. This group includes people who are not in the labor force because they are not in the labor force for any reason. This group includes people who are not in the labor force because they are not in the labor force for any reason.









